

大同月报 / 莫安仁 · 一 V. 1. no. 1 (民国4年1月 [1915. 1])

~ [?] · 一上海: 大同月报馆.

: 26cm.

本刊继承: 大同报.

* * * * *

本刊共摄制1卷, 16毫米, 缩率1:20. 原件藏北京图书馆, 北京图书馆摄制. 母片藏全国图书馆文献缩微复制中心(北京).

本片卷期刊摄制目录:

V. 1. no. 1 ~ V. 3. no. 5 (1915. 1 ~ 1917. 5)

(缺V. 1. no. 4; V. 1. no. 10 ~ 11; V. 2. no. 6)

30
350
354.25

1-3 5-9 12 2:1-5 7-12.

3:1-5



(共254)

Ta

Tung

大

同

中華民國郵局特准掛號認爲新聞紙類

民國四年一月十五日發行

每月一册

編輯所 上海北四

川路一百四十

三號

國民四年第一册

南京圖書館藏

本報改組月報廣告

本報自甲辰年發刊以來迄今已逾十稔久蒙社會所獎許惟本報素抱大同主義內容完備議論平正其發行本意實以貫輸智識扶助道德爲志願初非意存牟利故譯輯印刷紙張鑄版莫不精益求精需費頗鉅近因歐戰影響工料加增故不得不從事改組自民國四年正月爲始改爲月報每月一冊全年十二冊每冊大洋二角定閱全年連郵費減收二元本報主任莫安仁君甫由歐回華搜集材料至爲豐富并聘請名人襄助譯著一切內容大爲擴充每期至少七八萬言約區撰論譯論評論譯林紀事文苑小說筆記插圖公文其譯著各篇皆於現世最新之理論中國最要之計畫相關復徵求海內文豪訂撰救時偉論必期貫徹本報所具之志願益求完美以副愛讀本報諸君之期望倘海內文學家慨以論著詩歌及最新之攝影見示經本報刊登後當必從優酬潤如蒙定閱全年務乞先期惠示空函恕不專此佈告諸惟

公鑒

上海大同報記者敬啓

發行所河南路四百四十四號
編輯所北四川路一百四十三號

Ta Tung Pao

Vol. XXI, No. 1

Jan. 15th, 1915.

Third Series

Principal Contents

Illustration:—

A Belgian Sergeant Destroying a Bridge Alone

Leading Articles:—

Preface to this Paper.....Ex-Governor Ting
Preface to this Paper.....H. E. Yü Chun Ko
Signs of Moral Reserves in EuropeEditor
The Hope of this Paper for the Present Year.....C. H. Hsü

Other Article:—

Why England is Fighting.....Sir Henry Jones

Critique:—

The Chinese People Should Use Native GoodsC. H. Hsü
The Offering of Sacrifice to HeavenChang Chun-yi
Some Remarks on EducationChang Chun-yi
The Increase of the Domestic LoanChang Chun-yi

Native News

Foreign News

Presidential Mandates

Governmental Regulations

Translated Books:—

Philosophy:—The Philosophy of Nietzsche
Politics:—Administrative Problems of British IndiaJoseph Chailley
Social Programmes in the WestC. R. Henderson
Biography:—General Joffre
Lord Lister
Religion:—The Commandments of JesusRev. R. F. Horton, D.D.

General Knowledge:—

Vegetable Sleep
The Hand Flower
Flexible Sandstone
The Archæopteryx
The Spectre of the Broken
The Animated Aeroplane
The Emperor Penguin
Tardigrada and Ice

Poems

Journals of Famous Chinese

Miscellaneous

PUBLISHED BY

THE CHRISTIAN LITERATURE SOCIETY,

143 North Szechuen Road, Shanghai.

Address all communications to the editor, EVAN MORGAN.

Price \$2 per annum; 20 cents per copy. Payment to be prepaid by cheque or postal order,
not in postage stamps.

619569

南京圖書館藏

大同月報民國四年第一冊目錄
第一卷第一號即十一月

圖畫

比國伍長獨力機橋圖

論著門

社論

大同月報序
大同月報序
論國家道德之儲力
本報對於民國四年之希望

淮安丁寶銓
望江余誠格
英國莫安仁
上虞許默齋

外論

英國敵德之原因

史久潤

評論

提倡國貨問題
祀天
教育盲談
增募國債

許默齋
張純一
張純一

紀錄門

中國大事記
外國大事記

德軍輜重隊赴瓦爾薩與俄軍交戰地圖
加里斜俄騎隊運送快槍過喀爾巴阡山圖

命令
公私文件

譯述門

哲學類

德國新學說之概要

莫安仁 許東雷

政治類

英國治印問題

莫安仁 徐維岱

緒論

第一章 疆域
第二章 風土
第三章 民族
改良社會策

傳記類

法國陸軍總司令卓弗事略

李司特耳傳略

宗教類

基督誠命 第一章

衡德森 鍾春暉

莫安仁 哈筱泉

莫安仁 哈筱泉

霍爾登 羅金聲

雜纂門

智叢

綿羊草 手掌花 軟石 古鳥 山巔幻影 飛艇動物 企鵝王 冰洋耐寒之生物

羅金聲

文苑

菰城話雨圖題詠并序
一誠齋詩存遺稿

筆記

悟游瑣記
伴 栽培 田家樂 順風 克治涵養 崑山文獻 徐氏
通才 根柢之學

雜俎

記波蘭瓦爾薩與維斯河之戰
注重履與鞍為大事結束之關係
英軍隊宗教之感動力
克成氏申傲居民待遇志願兵之規律
阿斯麥斯宣布戰後之注意
德君民無望於扈從軍

莫安仁 哈筱泉

莫安仁 哈筱泉

莫安仁 哈筱泉


莫安仁 哈筱泉

莫安仁 哈筱泉

莫安仁 哈筱泉

比國伍長獨力燬橋圖

德軍攻下比利士特勒姆城時酷斃平民甚衆比軍民恨之切骨故棄城而走不留此橋以資敵有十八歲之伍長獨力擔任冒彈雨執火線躬赴橋底燃預置之煤油桶以燬橋身一時黑烟上騰與德軍發彈激射之火




光相輝映(圖中橋傍之小房即德軍施彈激射之行營橋上黑點即德軍激射該伍長之礮彈)更轉身躍登橋上將預着煤油之橋板引燃事畢仍由橋頭安全而返比軍立視咸拍手歡呼以答奮勇不顧身之意云

德軍輜重隊赴薩爾瓦與俄軍交戰地圖



加里斜俄騎隊運送快槍過喀爾巴阡山圖





社論

論箸門

大同月報序

淮安丁寶銓

羣民而成國。羣國而成世界。邃古之人。不知有世界。且亦不知有國也。各集其族。逐水草而棲。處狃有不洽。羣族以鬪。非服彼族於此。族則鬪不止。故始之族。蕃多也。未若干年而族少焉。又若干年而族益少焉。羣治進化。族居部落。不足以自存。國之制於以立。重公判。禁私鬪。嚮之馮武力以決是非。角勝負者。見夫舍武力而是非。未嘗不明勝負。未嘗不定。乃悟羣族相鬪之失。然至是而族之存者固已寡矣。且夫今日就世界以視國。猶夫嚮之就國以視諸族也。今之尙戰者。言曰羣雄林立。非厚戰力不能保。安非犧牲少數不能獲多數之幸福。是則然矣。雖然。國際之治安。舍戰爭果無維持之術耶。號爲犧牲少數。致使多數牽率而罹蹂躪之苦。果爲有益耶。無益耶。竭國力以相戰。較諸竭族力以相鬪。果有異焉否耶。吾不得而知也。近世海牙平和會成立。論者謂爲世界大同之嚆矢。向使仿仲裁會議擴充而

廣。大。之。有。一。定。之。法。律。有。相。當。之。制。裁。俾。國。際。爭。執。依。仲。裁。而。解。決。一。若。個。人。訴。訟。依。審。判。而。確。定。則。永。保。和。平。大。同。可。期。又。安。有。酷。烈。之。戰。爭。乎。嗟。夫。尙。武。之。風。方。盛。大。同。之。義。未。昌。人。道。之。賊。抑。亦。學。士。文。人。之。恥。也。余。友。莫。安。仁。君。主。教。務。有。年。夙。尙。大。同。之。說。比。至。自。英。倫。重。組。大。同。報。月。刊。一。冊。發。揮。大。同。之。意。義。希。望。世。界。之。和。平。首。期。發。行。徵。言。於。余。余。嘉。其。意。之。善。也。爲。序。如。右。且。頌。之。曰。維。志。必。誠。維。誠。必。信。斯。冊。之。行。生。民。之。幸。

大同月報序

望江余誠格

子輿氏之言曰。天下之生也。一治一亂。治亂雖關於世運。實召自人心。於是有世道之憂者。慨然思拯其溺。而厲其蒙。不惜窮口舌之力。殫鉛槧之功。將戶說以眇論。使之潛移默化。以求其一心之安。漸臻於至治之極。此宣聖與七十子之徒所爲。列國周流。木鐸終古也。今天下亂亟矣。材力蹶張之輩。奸雄攫盜之流。羣起而威誼。敦倫乘時以謀。所欲終至喋血敲髓。荼毒生靈。遍於歐亞。殆蒞判以來。未有如斯之酷者也。莫君安仁暨諸善士。憫羣生之無辜。慟浩劫之靡止。鳩集同志。虔誠禱禱。願息兵革。而慶和平。雖天意蒼茫。不可測。而好生之德。則亘千古而皆同。亦視人心之感召。何如耳。今復舉大同報。而申繹之。哀采衆論。月出一冊。俾廣其傳。屬余引其端。所願讀是篇者。鑒諸君子救世之苦心。視先聖

賢如出一轍。因之恐懼。脩省庶善。氣涵濡。日與彼蒼相訢。合則人心正。亂源弭。世道昌矣。豈彼捷捷幡幡。恣爲邪說。傾軋訶詆。不惜毒世病民。而因以爲利者。所可同日語哉。是爲序。甲寅冬至先三日序。

論國家道德之儲力

英國莫安仁

余回英國年餘。今復來華。任大同報事。會報務改組。竊思本報發刊十餘稔。頗於中國稍有裨益。今雖國體改革。然本報所持之宗旨。仍有大裨於中國也。本報所持宗旨。已備詳於前。不外以貫輸智識。促進道德。爲職志。復譯著緊要之新聞。精美之著作。平實之論說。凡世界最近之事實。最新之理想。莫不一一介紹於讀者。卽近日關係於世界之歐戰大問題。吾人亦當備述其原委。以詔世人。并述其關於戰事之確實新聞。不稍存偏袒之私衷。但錄其事實之真相。雖近日新聞傳信者。尠惟擇其較確者。傳播之耳。夫戰爭之事。雖大阻世界之進化。然既於世界至有關係。蓋亦不能存而不論也。况於爭鬪忿怒之中。大足資吾人道德上之訓練。非戰事足以啓發吾人之道德也。然實足以濬啓吾人之思想。要知國家之最後優勝。究非恃有軍事之能力。實恃有道德之能力而已。

余之回歐洲也。頗默察各國道德之儲力。有時實未見有道德之徵象。如日本前派使臣赴歐考察。迨及回國。則以造船練兵通商爲歐洲致強之原因。對而於各國道德宗教之儲力。初未之見。庸抑知是

皆外象之表著者耳。非其內容也。苟國家內容無道德豐富之儲力。則其國家雖強必弱。雖富必貧。蓋因其無真實之資本也。然則今之國家。果有富儲道德。以爲國家真實之資本乎。吾試徵於吾之新感觸。吾嘗游俄國。而見於俄人之外象。而有感也。余乘西伯里亞汽車。見其鐵道附近之房屋。皆潔淨無塵。其居民孩童。皆活潑壯健。精神煥發。詢其教育制度。前雖酒肆多於學校。今亦稍稍改良。其鄉僻禮拜堂。規模雖簡陋。然其民皆具信仰之誠。是皆道德儲力之見端。復見其版圖廣衍。平原高山。湖沼江河。渟峙於大陸。有時車行數日。皆森林蔥鬱之區。或大地曠遠。渺無涯涘。是亦足以養成俄人道德之原因。余嘗誦其文學家託爾斯泰之著作。覺其理想豐富。感人甚深。蓋得其地理之感力者。爲多。復觀於俄人所奉之宗教。與吾英異。英人昔謂俄人對於宗教。徒耀其外觀之美耳。然余至俄京。參觀其龐大壯麗之禮堂。不禁穆然神往。試觀其規制。宏大金碧交輝。復飾以珍貴寶石。微特證其建築之美。抑可覘其敬愛之心。其他於種種方面。皆表顯其愛國心。故不得謂其盡出於虛假。而無道德之心也。余回英國。亦有種種之感觸焉。吾英全國社會貧富。殆趨於絕端。是爲英國道德宗教家所深懼。驟觀社會之現象。固未免繁華過甚。然試爲細覈其內容。則在在皆有道德之儲力。其表著於宗教教育二方面者。無論已。卽就政治一方面觀察之。亦可略窺其梗概。貧富問題。爲多年擾攘於人心者。全國多數

思想家競相討論著書立說。使有以解釋此困難之問題。然此均平貧富之政策。欲求政府之能實行。則尤爲困難。雖然。今於此問題。則有發酵之點甚多。例如政府頒訂養老條例。對於年逾七十養老無資者。政府當酌量。俾助復訂定恤工保險章程。俾工人之患病及無力工作者。藉免凍餒之威。凡此平均貧富之政策。今皆露其端倪。將來之成效。必大。惟此政策以前。英人聚訟多年。卒難解決。今皆能見實行。是實由於全國惻隱之心。所感召。亦卽國家道德之儲力成之也。一日英議院開議愛爾蘭自治問題。余入而旁聽。聞兩黨辯論激烈。歷六小時。尙未解決。然此愛爾蘭自治問題。已相持歷數十年之久。今後殆當奏其成功。蓋英民道德之發展。必期以自由之權服人。而不以專制之權服人也。若欲詰其動力之由來。蓋亦國民道德之心爲之先導耳。復證之於此次不測之戰禍。說者謂英採募兵制度。平時養兵甚尠。一旦有事。危險特甚。然政府主張自由。不採歐洲徵兵之制。但仍沿襲成法。募集兵隊。依吉青納大將所定之計畫。應募兵二百萬。當第一次徵募五十萬時。余親見其踴躍入伍。署名軍書者。爭先恐後。擁擠至二。三。里之遙。故瞬息滿額。當徵第二次五十萬時。英國各大學高等學校生徒。聯名入伍者。計有五千餘人。召募時皆集於倫敦之大公園。余子亦預列焉。其他團體之報名從軍者甚多。至於國民。無論何種階級。皆願捨身爲國。是亦英國道德發展之明證。故戰爭之事。雖爲世人所憂。

慮。然。國。家。道。德。之。儲。力。往。往。至。是。而。發。現。是。即。道。德。與。國。家。相。關。係。之。明。效。大。驗。余。對。於。中。國。所。進。之。忠。告。亦。冀。全。國。人。民。有。以。養。成。國。家。道。德。之。儲。力。勿。徒。托。愛。國。之。空。言。恣。談。強。國。之。政。策。而。自。謂。足。以。救。國。已。耳。

本報對於民國四年之希望

上虞許默齋

本報於未改組之先。曾於改組宣言書中。敬貢短言。期與諸君交勉。約之以二語。一曰脩己以利世。二曰敬天以愛人。誠以吾人之生。當以利世愛人爲目的。以脩己敬天爲基礎。脩己敬天爲之體。利世愛人爲之用。兼斯二者。窮足以脩身。達足以濟世。矧丁斯海內。俶擾民生塗炭之秋。尤足以啓牖吾人。惻隱之心。以擴充民胞物與之度量也。今當本報改組之始。仍應開宗明義。揭隳斯旨。以脩己敬天利世愛人。數大端。告我邦人。以及海內。明達之士。庶幾交相誠勉。毋相詐虞。大道爲公。愛人如己。是即本報莫大之希望也。

歐戰之起。起於塞人暗殺奧國儲君一事。遂釀成千古未有之戰禍。世界強國。幾盡陷於戰爭之漩渦。不啻因一朝之忿。而鑄九州之大錯者矣。自開戰以來。戰士之死傷。奚啻數百萬。國家之損失。奚啻億萬兆。各戰國人民所受之痛苦。所擔之艱鉅。至大至重。殆有未能以言語形容者。即其他中立國商務。

之敗壞民生之困苦均受影響苟戰禍延長相持不下則不獨經濟食品均虞不給吾恐芸芸衆生不
死於戰陣鋒鏑之間卽死於顛沛流連之際否則盜賊蠶起餓殍載塗文明之邦變爲羅刹殺氣橫溢
充塞兩間利世愛人之道於是乎歇脩己敬天之心於是乎亡是則吾人所大懼者所冀各戰國皆憬
然大悟以愛敵如友之心遏同室操戈之弊其對於己則盡禮讓爲國之心其對於人則體上帝好生
之德於同種同教則推其愛護之心於異種異教則恢其寬宏之量講信脩睦釋怨解紛息戰媾和重
歸舊好如是則天下大同之運日益開人民幸福之源日益濬所謂災害不生禍亂不作者或可遇之
於日暮間是則本報對於世界之希望也

至對於我國則所具奢望甚多然亦不外乎脩己敬天利世愛人之本指要知世變至亟國勢至危處
於優勝劣敗之天演境界中苟欲保存其國祚不爲天演之淘汰則必賴有優強活潑之武力或則恃
有雄厚高尚之道德否則道德墮落民力衰弱雖無敵國外患亦必魚爛而亡而况丁此優劣相競最
烈之時代乎共和制度改建以來今已第四稔矣回憶已往之三年中武漢起義同胞之犧牲幾何寧
贛興兵各省之損失無算迨及民國三年雖稍稍安靜然亂黨之竊發盜賊之橫行則所在皆有兼之
歐戰影響商務蕭條膠澳戰興外交困難民窮財盡氣象愁慘說者謂共和告成以來吾僑小民貧困

如恆顯連逾昔國家振興實業之政策社會拯救貧乏之方鍼未聞有斯須留意及之者數千年維持之禮教道德已摧殘而無餘宗教之信仰不深皆放縱而無忌憚倫常之遺規將墮驚浮華而少真誠且上下以詐僞相欺社會以權利是競所謂共和國家之根本基礎共和國民之最大幸福果何在耶雖然奠國家之基礎致國民之幸福其責任皆在吾全體國民之仔肩不當諉諸政府責諸他人也吾人果有脩己敬天之心則首當保存吾國固有之道德以正心誠意爲修齊治平之本以影衾屋漏懍戒謹恐懼之誠倘能本此以發明新道德新宗教俾範圍社會之人心則不致有凌亂無序進退失據之弊若規規於保教之空文祀天之儀節猶其末焉者耳吾人果有愛人利世之心則先以救貧爲莫大之計畫救貧之法可區消極積極二端消極之方法以力崇儉約屏絕侈靡爲主各省煙禁雖嚴然上海一埠反爲嗜煙者之逋逃藪於是土商皆擁厚資而吾國煙禍終無以絕苟吾愛國同胞尅期自禁則不僅救貧且能強國至積極之方法則莫若乘此歐戰之機外貨缺乏者亟改造相同之土貨如而用土織餘可類推總說而用土織餘可類推廣設工廠安置貧民一面招致由歐回華之失業工人按其所習分別教練非一舉而兩得歟孟子曰國家閑暇及是時明其政刑今值歐戰正殷之際我國正宜乘此閑暇之時勵精圖治是則本報對於中國之希望也

周禮小宰正歲帥治官之屬徇以木鐸曰不用法者國有常刑書曰每歲孟春道人以木鐸徇於路官師相規工執藝事以諫其或不恭邦有常刑記者懼蹈不恭之刑敢效藝事之諫會當歲首本報改組月報之初用言數語敢告僕夫

外論

英國敵德之原因

此篇原文。見英文希伯脫季報。爲格拉斯哥大學校教授亨利穹司貴爵所著。洋洋萬餘言。大要謂此次之戰。實無一是。然英國處此地位。竟有不能不戰者。則爲道德復讎故。以德國全國上下。自元首政治家哲學家。以至平民。久已視道德如無物。徒知有本國而無他國。不恤盡傾他國之權利以快己意。故有今日之變也。譯者爲省時間。節文字起見。擇尤直譯。尙有六七千言。恐閱者不暇細咀。爰舉其大要如此。

兵凶戰危。先哲夙有明訓。今日歐洲之戰。與曩昔之戰。同爲謬舉。固無辭可以申辯。其爲是雖然。吾英之加入戰團也。所以布告天下。及己國人民之理由。實至完足。捫心自問。殊覺無愧。夫旣以戰爭爲謬舉。而又從事於戰爭。不亦自相矛盾乎。然吾英今日所處之地位。舍加入戰團外。固別無他法。試將戰爭爲謬舉。及英國所以加入戰團之原因。分別提出。坦白言之。庶幾使世人曉然斯義。苟非然者。適足以亂人民道德上之判斷。力夫亂國民道德上之判斷。心者禍之最烈者也。今日歐洲各國所以陷於悲慘陰霾之局者。其最大之根本原因。蓋基於此。

世界人民。舍德國之武人派外。莫不謂因私利而從戰。爲道德上之謬舉。此吾人所共喻也。卽德國武人派。亦謂爭戰乃爲文化而用之器械。非文化之目的。此外尙有一派。則謂以種種情勢故。戰之爲物。非特不可免。且有百是而無一非。甚且力斥反對戰爭之言。以爲道德家之夢想。於事實上爲不可行。其意蓋謂情勢足以改變理論。是非猶言語之誠僞。視其所函之實。若何而已。不察言語或行動之關係。而統計之於智力道德。皆爲膚淺不足之據。抽象之意見。無一而非僞。凡一行動不當。徒觀其前後。一二事爲斷。要當取其廣大繁賾之情。而通計之。乃可所當注意者。不僅行動之意向。亦當視其結果。之何如。不當徒觀其動力。亦當審察其方法。蓋此皆構成行動之舉。而爲其各部分也。

或曰。今若統觀英國今日所居地位而言。姑盡去其偏私狹小之見。以觀乎廣大之域。則英國於此次之戰。固有百是而無一非乎。吾英開戰之故。固坦白無他。蓋吾英之所以不惜犧牲金錢生命。加入戰團。非有侵人土地之心。攫人實利之意。今之行動。初非出於自私之念。旣非有人凌侮及我。亦非激於虛僞。而然今日之事。蓋純發乎公義。故遂不計其勞。民傷財之巨。以效忠於友邦。保持吾責任而已。寧使血流標杵。不願毀成約如棄紙也。

是說也。豈不甚然。英人所言之而自喜者也。蓋英國今茲之戰。乃義務應爾。吾人旣知其爲義務。則必

不能背背之非所以自尊也。事涉義務無二端之可擇。人與國一也。今日之戰。義務所在。顯而易見。所責善於我人者。瞭然也。英之人初見戰釁之肇而疑焉。既悉其故。遂覺出於事理之當然。非有黷武窮兵之心。非有妄自尊大之念。雖明知戰事之爲凶物。不得已而拔其劍。英人於此。可謂問心無愧。卽予意亦曰。應爾爾也。自問此心無他。故能理直氣壯。毫無仄歉也。

雖然卽此種種理由。亦不能申辯今日之戰。不爲謬妄之舉。無論事之情勢。若何天良之坦白。若何義務之關係。若何舉不得變戰爭爲道德上之善事。以道德言。天下固無易非爲是之理。尤無行一惡事。取其善果以爲報償之理。况惡之影響。久而且遠。不可以爲有彌補之術。在有恃而無恐也。德國深有學識之人。輒謂此戰有可解之處。決非徒爲惡物。孰意釀成今日之禍者。此曹之說。固與有大力乎。是非二物。永遠常在。雖轉瞬之頃。事移景遷。而是非必不死。方長留於天壤間也。

嗟乎。今日之地位。則誠一愁慘之地位也。吾英之戰。雖以義務爲旗幟。然既從事於流血之慘劇。則今日違犯正理。塗炭生靈之戰禍。吾人亦不能全辭其咎。蓋戰必二造。此造所致之禍。害寧異於彼造之所致。而謂能轉變而爲善事。與而謂能減損其毫釐。與必不能也。死者已矣。能復生乎。深悲極慟。而忘懷乎。孤露之孺子。能復就其所親乎。戰之爲惡物。不得爲善。不得爲是。不旣彰明乎。

或曰。戰固義務耳。斯言誠然。而事實具在。不可掩也。且以義務言之。今日之義務。死傷而已。豈非令人益增悲思乎。夫國家乃至爲義務所縛。而流血喪元之慘劇。事之足悲者。寧有甚於此者耶。義務一事。也是非。又一事也。二者不相混也。以義務故。乃至吾英通國。自尊自重。不欺無私之民。棄其和平之業。以拋頭顱。迸熱血於疆場。天下傷心之事。有過於斯者耶。自道德上觀之。盡職與流血。判然爲二事。盡職乎。抑流血乎。使人茫然不知所從。英國之所以宣戰。無非欲保全對比之誓約。及友誼。與夫國際間之信義而已。故其從事於殺人之舉。不得已也。蓋欲尊重生命。不盡義務。非也。盡義務而殺人。又非也。時至今日。不能兩全。不盡義務。固非盡義務。則又非此。皆曩昔歐人貪惡之念。所種之惡果。是一。一。至今日。欲盡義務。而竟處此兩難之地位。此殆報應之期。至乎。

關於今日之情勢。有二事當問者。其一。今日之情勢。曷由而然乎。何事使吾英竟處二難之境。非破壞和平。卽背約不信乎。其二。而今而後。當若何。而後可使今日之事。不復見於未來乎。外界之情形。何者。當變人心之思想。何者。當棄吾人行爲。又當何所去。取庶幾吾儕先人遺傳。吾人之巨害。可弗復以遺害吾儕之子孫乎。戰爭之禍。害將若何。而使消滅。不留影響於大地乎。此二問題。吾人今日難爲完滿之解決。且恐以人類之智能。決無以應付此二問題也。世有人謂歷史中之大關鍵。大轉機。及國命之

興衰皆懸於一人一事之所爲。然一人一事決非單簡者也。歷史上之事實彼此參互錯綜而又根於人心之志願繁蹟極矣。往往不能明其起訖之所在。是之與非恆相往復。情以動情。事以生事。交互連環。莫由指其事之爲巨。爲纖。爲一人。多人之所致。抑爲一時。數世之所成。是故。今若以肇釁之罪歸於一人一事。或一民族。則必無效。徒滋紛擾而已。今人每曰。苟無三國協約。則戰事可勿生。苟外交之方法得其道。則戰事可勿生。苟英愛德不若愛法之甚。則戰事亦可勿生。使德人稍有自由權及政治才能。則戰事亦可勿生。使今德皇非胡漢山。俞氏則戰可勿生。凡此諸說。雖稍有真意存乎其間。然大錯既成。復推究此次戰禍之釀成。伊誰之咎。亦殊無益。吾人試平心自問。可知一己亦不能謂爲無過也。個體之與全體。固有甚大之關係也。雖然。如此說去。究亦何益哉。或又問曰。今日之戰。所促而使生者。吾英與有關係否。英之從戰也。豈有大不得已之故乎。其戰也。豈非純爲盡一己之天職乎。則將對之曰。爲義務而戰。是固然也。戰誠非得已也。然就釀成今日戰禍之種種情況而言。英國亦不能完全辭其咎焉。蓋前此世界各國。因私利之衝突而起競爭。英亦預其列。質言之。今日戰禍之釀成。及其所以必不能免者。歐洲各國咸與有責。雖然。今後欲協力同心。造成種種之情勢。使日後戰事不重見於大陸者。亦歐洲列國之責也。儻然獨立與世無爭者。妄言也。個人然。國家亦然。道德之範圍。僅一而已。國

家猶個人也有過則彼此有過有刑罰則彼此同受刑罰初不能絕然漠不相關也故今日推求開戰之原因並非謂吾一己絕無過也曩昔吾人之佔據黑人土地非爲傳道也亦非有傳佈文化之主義存乎其中殆與今日德人之作爲相似換言之吾人曩日之佔黑人土地吾人之過吾英昔日亦具德國今日所具之野心特較小耳雖然吾英今日已幡然變計已漸從物質的帝國主義浸淫之中探頭而出故吾人今日已漸知尊重小國之權利其處我宇下者亦復漸與以自由蓋自美洲獨立而還吾人乃漸悟帝國最有強力之約束須以自由製造之『人有自由乃知忠信』此說也非吾人所新創也不久英人對哀爾蘭亦將實行此說矣雖世界初未嘗完全信仰其說然吾以爲自希臘創建民政以來惟此思想乃爲最大之發明雖僅爲一新思想顧其爲善之力乃無窮也吾英之政治經驗較他國爲富其趨勢僅一而已一者何也曰行暴之價值至不貲而強迫之法爲無效善乎華勒司之言曰世界之所以紛紛多故者皆以崇尚強權而不重公理故以機械的教訓代道德的教訓吾人惟以機械的教訓爲教以力服人遂使世事日趨於退化是說也特謂戰爭之無利益已耳戰爭絕無利益一說近年以來信者頗多經商者昔謂戰爭有利今則自經驗上皆知其否顧予以爲徒識戰爭之無利益尙不足以收萬國弭兵世界和平之效蓋國際關係之問題亦猶個人間之關係純恃道德爲基礎

今日之戰。蓋以道德力之失敗。而物質之力。乃不得已而用之也。人類而猶以強力佔優勝也。烏足以語文明。烏足以語道德。外交無效。公理之力。爲外交之後盾者。又無效於甲。則謹守國際條約於乙。則謂條約。可有時而不守。凡所以息戰之道。皆無存。而兵戰以起。故時人有曰。戰爭之時。乃道德既失。外交無效。公理不存之時也。蓋謂當斯之時。人類無由擇善。而從道德。不行於世。致人類與下級羣生。同躋乎。祇有強權。不知公理之域。道德之施行。文明之效果。遂訕然以中止也。

道德敗而戰爭生。欲復還和平。必自恢復道德之權力始。永久普遍之和平。將由何道而可得乎。則必自改革道德觀念始。不幸改革人心。乃改革中之至難。而又至要者。徒嚷嚷以告人曰。戰爭之報酬甚薄。其效蓋寡。蓋世間往往有國。徒尙強力。欺詐貪念。一生戰爭。斯起。至於一切不顧。必世間人人貴重道德。他物皆無足與較。質言之。必人人皆有道德。而後世界之和平。可期。世界中必人人祛其自私自利之心。知本國而外。名利而外。尙有他物之當寶愛。而後和平乃克臻。至也。且此種改革人心之事。必人皆具。而後可徒令少數國家。去其貪得之心。生其尊重國際關係之念。猶爲不足。務使萬國皆然而後。可世人既具和平之道德。則和平自不期而至矣。

上文所言。理實平平。顧今日之現象。則歐人平日未嘗涉念及此。至今日而試驗之期。至矣。德國恃其

強。力。謂。國。際。義。務。可。因。一。國。之。私。利。而。瓦。解。近。世。史。中。舍。德。前。皇。費。德。烈。克。約。俄。奧。瓜。分。波。蘭。以。來。創。論。之。奇。未。有。若。斯。之。甚。者。吾。英。之。所。以。戰。則。在。求。恢。復。道。德。而。已。道。德。者。人。類。和。平。幸。福。之。基。礎。也。吾。英。今。日。之。戰。特。爲。道。德。復。仇。而。已。德。人。妄。謂。強。權。卽。公。理。也。吾。人。固。不。可。不。助。德。人。祛。此。妄。念。也。吾。非。曰。我。英。人。人。具。此。心。理。而。從。此。義。戰。也。然。使。全。英。之。人。拔。劍。投。袂。而。興。者。則。非。此。心。而。何。哉。英。人。知。德。人。徒。爲。本。國。利。益。故。歷。歲。以。來。與。世。界。競。戰。已。久。矣。德。人。蓋。亦。自。知。欲。求。達。掌。世。界。霸。權。之。目。的。非。戰。不。可。故。豫。備。戰。事。數。年。以。來。息。息。未。嘗。輟。也。萬。物。皆。備。於。我。所。未。至。者。特。一。戰。而。必。操。勝。算。耳。德。人。之。候。此。時。機。也。曷。嘗。有。一。日。之。息。哉。蓋。不。然。者。則。其。頻。年。以。來。海。陸。兵。力。大。增。而。特。增。者。又。何。爲。耶。且。此。固。德。國。所。自。認。亦。世。人。所。共。見。者。耳。夫。德。國。固。無。嚴。修。甲。兵。以。自。防。虞。之。必。要。其。嚴。兵。之。故。出。於。侵略。野。心。洞。然。可。見。其。意。以。謂。大。地。常。有。狹。小。之。患。既。不。能。以。向。所。得。者。自。足。而。貿。遷。和。平。之。術。又。迂。緩。而。無。當。則。擠。他。國。而。去。之。以。代。其。位。乃。理。之。當。然。者。雖。用。強。力。何。恤。乎。嗟。乎。以。德。國。之。強。大。其。所。以。失。算。至。此。者。其。真。原。因。一。則。由。自。知。不。明。一。則。由。昧。於。外。界。之。情。勢。故。也。卽。起。於。德。人。誤。解。道。德。上。之。事。實。及。對。於。道。德。物。質。彼。此。之。地。位。及。價。值。判。斷。失。其。平。衡。故。也。

(未完)

評論

提倡國貨問題

許默齋

歐洲戰起。各國商業。大受影響。我國同處於困難之地位。如輸出大宗之絲茶等貨。遽致停滯。此困難一。其輸入各貨。爲我國人所習用者。如洋靛紙貨以及洋鍼燐寸等。皆因來源不濟。價日騰貴。我因無改良之土貨以供其求。遂不得不用其昂貴之品。此困難二。一出一入。核其耗蝕。已屬不資。然猶得謂是爲歐戰大勢所牽掣。非自貽之戚也。苟戰事早靖。商務流通。則所茹之艱苦。爲時尚暫。獨不解全國人民對於茹苦數十年。耗資億萬兆之鴉片。猶復飲鴆自甘焉。今各省嗜鴉片者。大率皆集於上海。故上海一隅。屯積鴉片。爲數最鉅。土商獲利亦最多。計自土價遞漲後。土商獲利已得二千數百萬金。苟其土殘留居奇。則嗣後獲利。當亦稱是。然則我國民於輸出輸入損失之外。不又增此二千數百萬之損失乎。今幸旅滬西人有租界禁售鴉片之動議。度工部局決議實行之期。或不致甚遠。余獨不解嗜鴉片者。何以抵死不悟。不思毅然自禁。迅速戒食。必坐俟土商攫取厚利。他人嚴加取締而後已。耶。苟卽以所損失之二千數百萬。移而提倡國貨。改良我國固有之絲茶靛青廣鍼紙貨等業。實一振興土貨良好之機。奈何不知自存。但知自殺。枯槁萎縮。束手以待斃耶。今商部暨各埠領袖上海楊道尹等。

皆有提倡國貨之議。苟能招集僑歐回華工人。趕設工廠。振興土貨。亦一振興土貨良好之機。吾國人其有聞而興起者乎。毋令人笑我拙也。

祀天

張純一

冬至郊祭。大報天而迎長日之至也。萬物既終而復始。上帝之恩被吾人類至矣。周矣。古者聖人因以明天道具精義也。大祀典禮無逾於此。以天降下民爲邦本。苟勤民時。卽弗敢弗敬天。匪惟報本亦所以敬民。冀能寅亮天工也。但昔時天惟天子可祭。以下均弗許僭越。殊違天德。今民國奠基。咸知天視自我民視。天聽自我民聽。帝制既廢而天道尤宜欽崇。大總統乃先期齋戒三日。京中各衙署大廳均設齋戒牌。文曰年月日冬至。大總統代表國民。恭祀上天。凡百有位。其各蠲乃心。齊乃志。揚乃職。勉哉勿忽。各省行政官。皆須虔誠致祭。所有禮節。分別變通。極形鄭重。蓋此次祭天。爲民國成立後第一次舉行之盛典。堂哉皇哉。萬國觀光。必我政界諸公。奉行天道之發軔也。獨是天理之無間於人心。皆維皇上帝之妙用。固無關形式。亦不分時限。諸凡行事順之必昌。逆之弗祥。一人然一國莫不然。此自求多福者。允宜小心昭事也。要惟在甘自獻身。以爲犧牲。務救大衆苦難者。斯上天所欣饗之真祭。福民利國。舍此莫由。其糾儀員。則非良知無能勝任者。凡屬明達。請試參酌基督教而精進之。

教育盲談

張純一

國家盛衰命脈繫乎教育。蓋教育者所以濬發人性理體力俾能效用於社會扶翼世運進化者也。豈僅以雜糅知識之粗舉乃事故教育得其道國必富強否則貧弱而難支理固然已。吾國辦學校二十餘年其教科不過東零西碎之知識已不足應社會之需且以科舉變相出之安能陶鑄國民哉。近閱教育湯總長關於中學教育之談片深慮現有與未來之中學校將成爲一種特別游民製造場可謂洞見癥結。此固由向來主持教育者之失計。顧何以使受中學教育後即脫離人民之本位不能自儕於農工商販傭賃力作之列而終於爲游民。良由歷史上階級臭味重士可以爲官之汚毒誤之也。設使主持教育者素明真理知世俗虛榮純屬幻妄易使人格墮落無餘務轉移舊有一切穢惡風氣使成清潔本大造生人宰制萬物之微旨視耕稼漁鹽等事皆本分所宜盡惟以能利益社會爲貴將至聖大賢又何嘗不甘居畎畝版築間耶。不禁歎吾國古時老農老圃尙有專家至唐興科舉天道益絕於人心所謂學業塵垢而已。能使人不甘爲天地之一蠹者幾何哉。今湯總長謂欲鑄造吾國之未來社會首當認定中學校設立之要旨實爲養成社會之中堅人物救時要圖執急於此不禁爲吾國前途慶幸。第以促進生徒對於社會上之責任心而養其充實不可以已之覺悟力非教員宗教心富樂與

天。游。有。素。恐。不。足。爲。生。徒。楷。模。必。知。維。皇。降。衷。吾。人。所。以。異。於。禽。獸。幾。希。者。不。在。富。貴。而。在。各。能。盡。力。工。作。以。利。大。羣。然。後。自。甘。服。役。於。社。會。而。不。違。而。國。步。賴。以。助。其。進。行。者。多。矣。自。來。教。育。大。家。廓。美。紐。司。斐。斯。泰。洛。齊。魯。旃。克。蘭。士。迭。的。士。等。莫。不。以。養。成。宗。教。風。氣。爲。教。育。終。極。之。目。的。以。宗。教。闡。明。天。道。能。使。人。犧。牲。已。身。現。在。利。益。以。完。成。未。來。社。會。之。幸。福。也。願。司。教。育。者。留。意。焉。

增募公債

張純一

政府擬擴充民國三年內國公債總額八百萬元。據報載此次擴充債額并非因財政困難須增募此數。乃因前次募集總額原定一千六百萬。而應募總額已達二千三百萬。其已認逾額之七百萬。未便退還。故擴充總額。即以八百萬爲限云。想此百萬額數。準前例後。何難湊集。以紓國用。至足嘉也。所難已於言者。政府爲萬民所觀瞻。一切均當節用。見信國人耳。彼游民政客。充斥京師。胡爲者。人不務生產之策。財不作生產之資。百姓不足。國何能足。政府不當僅爲政府一時足用計。而忘足民於永久之要圖也。幸大總統嘗諭財政總長。國計民生須兼籌并顧。毋稍羅掘。苦民甚願。言財政者深體此意。更令生之者衆。食之者寡。則公債之財源恆足矣。



紀錄門

中國大事紀

(政法) 江蘇馮將軍國璋電請政府將巡按使移駐蘇州聞政府並擬以直隸巡按使駐保定江西巡按使駐九江湖北巡按使駐漢陽湖南巡按使駐岳州福建巡按使駐廈門餘未詳

參政院對於政府咨交之自治試行條例贊同一級制惟以縣知事得隨意解散自治會爲失立法之精神擬改提互相監督主義

各省將軍與巡按使分駐事徐相國現陳大總統謂與維持地方秩序及財政情形有礙恐暫難實行廣東開賭案發見後孟方兩肅政史遂上一封呈請大總統嚴行禁止呈中大意略謂彩票一節發生於前清光緒中葉各省皆有之而以湖北爲最當時張文襄在鄂提倡頗盛原以地方之緊急要需或關於實業進行一時款項未能咄嗟立就遂借彩票一法以資彌補久之承辦各員借端乾沒多數人民圖孤注之一擲而國家所獲亦並無幾即令於行政經費稍有裨補而理不正當實同賭博且於社

會人心道德大有妨礙以故無知鄉邑紛紛效尤狀元榜眼競相標榜賭博陋習公然行之而無忌近聞廣東大吏有徇莠民之請求開辦彩票報紙喧傳當非盡屬謠傳他省亦有相率效尤者此等劣風若不嚴行禁止實屬裨政橫行有傷治道近日禁賭公令風行雷厲若聽大吏倡行彩票是以賭博惡行致國民日趨於陋也希即電令粵省大吏速即停止云云此呈於十三日呈遞聞廳中又有某某肅政史數人關於此案已擬定呈稿請孟方兩肅政史閱看孟方兩人亦出所擬之呈請其公閱彼此各表同情某某數肅政史遂將所擬之稿取銷而與孟方連名呈請云

內務部以縣知事既得兼充審判官擬令知事不得投入政黨以有符於各國法官不入政黨之例政府得參政院維持國體建議案後派內法兩部與清室協議已合定辦法七條呈奉批准咨院查照十二月(二十一)約法會議將總統選舉法付施愚馬良梁士詒王揖唐李盛鐸趙惟熙那彥圖等十人審查總統選舉法之內容繼任總統由現任總統推薦三人即就三人中決選若參政院認為現任總統有連任之必要則不改選副總統亦就現任總統所推薦之三人中決選之全文共二百餘條二十七開三讀會

湖北將軍段芝貴已定於十二月二十七起程出京返鄂

司法部通飭京外各高等審檢廳略云查刑事案件報部程式業經本部二年第二百九十七號訓令通飭遵照在案近據各廳處詳報案件於原定程式頗多誤會今茲就原令各節約加修正定爲刑事案件報告辦法十六條並訂定冊式合行頒發詳廳查照轉飭所屬各廳縣一體遵照所有本部二年第二百九十七號訓令所定程式應即廢止但本年判決之三四等有期徒刑案件仍歸入年終彙報以免凌雜云

蘇晉將軍暨冀南鎮守使均請以該地方爲懲盜法施行區域總統批准繼續請者甚多

蘇省八釐公債案程德全有電訴願與應德閔同罪且有一切託應爲代表何必我來之語

司法部呈爲試行笞刑擬請將笞式量予修正云爲試行笞刑擬請將笞式量予修正仰祈鑒核事查易笞條例業經本部呈奉批准當由部製定模形先行發交京師地方檢察廳試辦一面派員到廳會同研究行笞方法及結果在案茲據該廳詳稱原笞長三尺五寸大頭闊一寸二分小頭闊八分重不過十二兩當覓前清大理院庭丁及現充同級廳庭丁熟悉行笞舊吏等到廳詢據該庭丁等面稱原笞尺寸較短兩手持打則不便一手持打則輕重不勻再令持前刑部尺寸較長之間刑板試打僉稱此項尺寸適用最宜因其較長可以兩手持打故輕重不致懸絕職廳復查屬實旋於十一月二十

八日十二月三日約同部派各員等赴第一分監蒞視會同典獄長先後執行易笞人犯十九名先用短笞後復試以長笞執行結果在場蒞視人員咸以長笞適用宜其各犯受笞數目自二十至一百二十不等該犯等頗知警懼受責打後亦無其他危險情形擬請將笞式酌量修正等因到部查該廳所擬修正笞式計長準營造尺四尺九寸大頭闊一寸四分小頭闊一寸三分重準庫平九兩形式比原笞稍大分量較原笞稍輕既據該廳試驗適宜似應將原條例第二條所定笞之尺寸分量改定頒行以便實用所有試行笞刑擬請將笞式量予修正緣由是否有當理合繕具修正條文呈請大總統鑒核批示施行謹呈奉批令云准如所擬修正即由該部通行遵照單存此批

前任廣東民政長李開沅現爲粵人聯名指控廿餘款多屬苛斂肅政史已據呈糾彈

肅政史糾彈前清浙撫增韞去浙時侵蝕鉅款已密電浙巡按使詳查

張弧第二次爲肅政史糾彈中以結托外人及長蘆改商運爲最重總統將原呈交張弧閱看查復

海軍總長劉冠雄彈劾案已由內務總長朱啓鈴查復劉可無事該部司員中將有不免者

都肅政使原係特任現改爲簡任在平政院長下莊蘊寬不服要求肅政廳獨立以去就爭經總統勸

慰許仍支特任官俸祭天仍服九團花始和解

(禮制)大總統明日(按即今日)早晨三時由總統府出正陽門赴天壇祀天沿途鋪坭(此字疑誤)是日清帝亦在內庭率屬行祀天禮

民國官吏丁艱今尙未有一定辦法政府將特訂條例以資遵守

宗人內務兩府更換民國服制定民國四年元旦起實行

大總統現賜各特任官貂帽此爲民國創舉

順天時報載大總統擬於明春三月行耕藉禮已交內務部議覆

(交涉)上海中立辦事處自成立以來所有前辦第一次結束業已呈報中央核奪在案茲接馮上將軍電飭催造第二期所辦中立結束事宜趕緊造就詳呈中央核辦毋延等因昨日經海軍司令李鼎新君會同鎮守使鄭汝成君滬海道尹楊小川君籌商將第二屆如拆卸無線電報卸除交戰國進口兵輪武裝並青島陷落前後交戰國退伍軍界人員過滬人數及扣留私運違禁品物淤口進出各國兵輪之調查趕飭書記逐一造表訂於本星期內彙送中央備查云

聞恰克圖會議除帝號外仍無進步因俄欲與外蒙締結各種協約故力阻進行

劉玉麟已於十二月七日由英國起程回國

外交部已將前清光緒宣統兩朝之條約編印成書其呈請大總統鑒核文云爲編印光緒宣統條約成書敬呈鈞鑒事竊惟春秋列國謹載書盟府之藏近今泰西諸邦有藍皮書黃皮書之刻凡以昭示國故慎重邦交尊俎折衝道必由此有清之盛聲威遠播尼布楚立碑恰克圖定界簡編焜耀已兆權輿中葉以後海禁大開立約通好歲不絕書逮乎季年事類尤廣前總理衙門外務部屢有編纂而搜求間有缺遺體例未盡完備參考無據識者憾焉本部成立後卽飭所司區分朝代由近溯遠殫精搜羅加意纂次其宣統條約一書業經部員胡振平等於上年編印告竣并附洋文以資考證至光緒一代訂約最多關係尤要經編是書之部員許同莘汪毅張永榮等窮年蒐輯共得一百二卷釐定原約之名稱附列訂約之奏牘窮源竟委開卷瞭如以全書篇幅過繁近甫校印歲事而爲時太促所有各約洋文仍未及一律附刊當俟再版時續行加入其咸同以前各朝條約正在陸續纂輯舊案叢殘紀載舛漏掇拾參稽尤難著手已飭該員等黽勉從事以期早觀厥成茲將先後出版之光緒宣統條約兩書各呈一部以備鈞覽除通行京外各衙門備價承領外理合呈候大總統鑒核謹呈

法制顧問日本有賀長雄博士聞日內又將來京都人咸揣測將有中日特別問題發生

外國大事紀

意拍雷一帶英法與德之戰紀

十二月十一日 電云法國西北邊境交界處有比利時屬之小村落名意拍雷者兩軍攻守互見因德皇注重此處決意占據而後快查意拍雷距英喀雷僅二十里德能過渡即可攻英故德軍費盡數禮拜之力以求達到目的先曾期以十月初一日攻破意拍雷至期未能如願繼期以十月十五日攻破至期又不能終期以臘月初一日今期又過卒不能行德軍始漸漸引退 法國西面之戰德精銳之兵咸集於意拍雷該處一帶地方平坦而多堰湖樹木極少攻守不易兩軍均掘戰壕以守之大小槍彈如聯珠軍人立於水面風雨不輟聯軍勇敢百倍惜人數不足不能一時制勝若人數稍多可以驅逐德人出境聯軍輸入海水以灌地面俾使德人不來然在此亦無大勝負不過步步攻守而已 十二月十二日 德軍攻擊聯軍欲以步兵制勝故攻意拍雷之南三次未成聯軍反攻某樹林之德軍頗有進步 十二月十三日 法西北傍海有德國大礮隊攻擊英法聯軍未能前進 十二月十五日 英法聯軍佔據德軍數道戰壕英軍力守林中德攻之不成 十二月十六日 兩軍在於意境之西傍海對壘甚急英法聯軍稍進 十二月十七日 英法聯軍從前

所佔地方現頗堅固又在麥爾麥前進四百米突聯軍左隊繞圍德軍之右隊力往西北進行 意之南境交界法國那拉斯城英法聯軍占領戰壕數道德軍轟破壕塹九層欲奪聯軍之勢 法國北境之英法聯軍佔住德國第一層防禦線并達到其第二層防禦線 英軍前所佔領之德壕今日失去次日即行奪回未幾又被德軍佔領雖然如此而他處進步較爲不少印度兵隊頗占優勢總而言之聯軍戰隊較德軍爲強 十二月二十日 法西境雖無大戰英法聯軍逐漸進行法東境阿爾衰地方已達一千二百米突英軍所失之戰壕今又恢復

波蘭一帶德俄之戰紀

十二月初九日 俄國電云德軍攻擊波蘭之拿發我軍力守兼攻德軍四散我軍共受德軍七次之攻擊仍不搖動靜候德兵前進相距不遠然後猛戰德軍至此不支 初十日波屬喀拉科省之南捕獲德國大礮及麥格沁快槍多數并逐德軍於邊界 十二月十三日 俄電云德軍又攻波屬之意魯路維思二地方我軍日夜受敵不但能取守勢且取攻勢并用槍頭之刺刀環攻德人死傷雖衆仍不稍退與我軍在亨格里與波蘭中間之喀爾巴阡山大戰 十二月十四日 俄電云德國新增軍隊多數來襲波屬之木拉瓦地方但德軍雖衆我軍未嘗稍挫并在斐斯圖河岸攻擊不

休拉河之德軍惟守戰無定進退無常云 十二月十五日 俄電云德新軍攻我甚急我軍因有一二處地位不妥故暫退一極穩健之地方仍於他地方堅守不却以防德人之計謀 十二月十六十七兩日 德國捷報傳於全地球以爲德軍在波蘭有全勝之師厥後調查各方面之戰報始知純出於德人之謠詠蓋洛池城之俄軍將領怠於防守以致德軍進襲俄將領知事不可爲城中人民甚衆不如棄此危城以去德軍不知俄軍已去仍加攻擊後始據守 俄軍在不休拉河改變戰法徵調兵隊以補不足故戰勢較爲得手德軍從夜間偷渡該河俄軍以大礮嚴防 奧之拍斯麥大礮壘守備隊於數禮拜前被俄軍包圍奧軍守備隊欲突圍而出不能如願以致死傷不少 十二月十九日 德軍欲渡不休拉河被俄軍捕獲 拍斯麥礮壘守備兵日夜被礮轟擊苦不堪言木拉瓦德軍不支而退 加里斜奧軍欲向前進發俄軍力阻奧軍被捕不少 柏林電云德軍不能固守木拉瓦河 俄電云德兵侵佔比爾喀河俄兵逐之退去 十二月二十三日 俄獲德軍官一千一百四十員軍人十三萬七百三十七人

歐戰雜紀

美洲南傍東海島美福蘭克現有英兵艦與德兵艦遇德兵艦三艘載煤艦二艘均被擊敗惟逃去二

兵艦餘均沈沒死者一千九百名之譜德國遊行海面之兵艦現在不過數艘而已查德兵艦三艘一名沙示拉洛一名來斯洛均重一萬一千四百二十墩每點鐘行二十三英里一名來克卜斯的重三千二百墩行動之速率與前二艦同 英皇遊歷法國兵站爲數百年來所無不但與行軍者晤談且躬臨醫院與受傷之各軍晤談并各致安慰之詞又至捕虜被傷之德軍醫院中加意撫恤再赴印度軍營勉勵印兵一番印兵喜甚因此次布置妥當回教軍人另備飲食婆羅教軍人分別上下兩級不稍混淆 德軍礮隊將法境帥迴地方之大禮拜堂轟毀并破壞古物不少奧軍先佔塞京旋即不守塞捕獲奧之軍人軍器最多塞境雖小頗能自守并占奧地數處自始至終塞捕獲奧之軍人有六萬餘名們的內哥勝奧一次占據維車城捕獲軍人軍器 英國海底潛行艦名乙十一者現在頗著奇效從達塔納爾海峽底由西而東將土耳其之兵艦轟沈該潛行艦伏匿海底計九點鐘恐出水面被土礮擊故耳英政府特賞以維多利亞寶星 數禮拜前德屬奧斯士亞南島之德官將俄國派駐該島之傳教人當衆鞭擊現在該島爲俄軍佔住設法擒獲該德官一德醫一德人四亦照前用之鞭擊法當衆施行 十二月十六日 德國海岸突出四兵艦乘大霧之際以攻英東北岸并爲英艦所不及防將英東北岸房屋禮拜堂轟毀死八十人傷人數百惜英礮臺

爲霧所蒙不能回擊後爲英兵艦攻擊德兵艦始逃回原處然究與戰局無關不過德艦於失望之中以求冒險進行爲可取云 英許埃及爲自主國不屬土耳其以埃及前王克底爲回教皇帝英皇致電慶賀與之加親 英屬各島之回教民均不認土之所爲仍忠於英德國大失所望 法比一帶戰局甚烈礮彈落地房屋傾陷於地坑之中軍人無不髮白其猛烈可想德軍日少一日日弱一日惟守之甚固聯軍不易攻下惟逐步進行而已法總司令卓弗君不令軍隊前進因人死過多與戰不利何必爲此無益之舉須俟德兵力竭而後可進故英總司令克成贊美卓弗有謀能擔大任 土耳其意大利雖未失和然已達到失和之會因在土耳其某城所駐之英領事避往意大利使署士兵入意使署捕拿英領事意使不服土軍官向意使服禮送還英領事意使尤不滿意但此事至今未了土之與英戰係一班青年所主張一因受德人之賄賂一被德人之威嚇故土政府不能自由而出此耳 俄軍與奧軍大戰奧政府宣布俄兵進攻加里斜省佔住喀斯羅窪城及喀爾巴仔山捕獲奧軍官三千一百八十六員軍人二十二萬一百四十七名 奧國小魚雷艇及海底潛行艦將法國兵艦轟破尙無大礙 德飛艇飛到英國界英飛艇迎擊始退 俄政府以庫頁島軍民全權讓於日政府管理係答謝日本政府曾借大礮於俄之故

日本議會紛擾之近狀

二十六日東京電 (二十五日)衆議院本會議首由豫算委員長大岡育造君報告次經大藏大臣若槻君辨駁遂開論戰之論後犬養毅君片岡直温君元田肇君田川大吉郎君井上角五郎君犬石正己君鈴木梅四郎君早速整爾君鷓澤聰明君等交起演說或贊或否議場極爲悽慘最後岡陸軍大臣與大隈首相力持維持政府原案之說然大勢已定不可挽回遂決投票投票之結果關於增師出席總數爲三百六十一人計反對票得二百十三票贊成票僅百四十八票其相差爲六十五票政府案遂敗關於海軍新艦製造費案爲百八十四票對百七十七票相差七票爲政府獲勝他如地方監察官案傳染病研究所案及水產講習所案等均否決時已夜十一時矣此時議長宣告詔勅已下於是各員一同立起致敬議長敬謹捧讀解散議會之勅語既畢各員拍手歡呼而散 此日各議員之贊否兩論無可動聽之大演說惟早速君之駁擊政友會與大隈首相之二演說意氣最爲軒昂云 二十六日東京電日本總選舉決定於明年三月二十五日舉行 議會解散之後朝野政黨暗鬪益烈現中正會與同志會已組織大隈後援會計畫樹立非政友之大隈黨 國民黨之議員守屋此助氏業已脫黨矣

命令

十二月十一日大總統命令

福建巡按使許世英呈稱閩紳邱立權增購鉅額公債擬請特予晉給勳章等語邱立權晉給三等嘉禾章以示優異此令 政事堂存記之袁良石元璘着發往直隸王樹翰着發往吉林丁其珪着發往山東方策安着發往河南謝增華着發往山西樓汝增高莊凱着發往江蘇汪聲着發往湖北陳元祥着發往湖南冠鴻恩楊開甲着發往甘肅徐積齡着發往四川呂昫着發往廣東倪煥奎着發往貴州由各該巡按使酌量任用此令 陸軍部呈核准正白旗滿洲都統貢桑諾爾布咨擬以宜照補驍騎校請予准補等語應照准此令 大

總統申令經曰仁政必自經界始經界不正井地不均穀祿不平是故暴君汚吏必慢其經界經界既正分田制祿可坐而定也尙書周官左傳所載經國之典亦皆注重於制田產正經界漢光武則實行度田晉則用庚戌土斷唐貞觀中授田之法明洪武中之魚鱗冊皆清理田畝之善政即東西各邦於制田之政亦至纖悉此實仁政之始基也惟自明季以來各處田畝未清理者爲時已久上中下爲九則之地質多有混淆縮弓寬弓之丈尺亦不劃一於是豪強隱占貧弱受虧飛灑倒累流弊日滋前清時胡林翼之撫湖北張之洞之撫山西皆以清理田畝爲行政要務良有以也近畿旗地莊田衛所馬廠以及各色地畝名目尤多往往

私相販賣册在地無令甲虛懸名禁實墾加以河道之變遷邊垣之開拓有昔爲膏腴而今成水衝沙壓者有舊本澤藪山場而今藝稻梁者更有契典隱詭過割不清或種無糧之地或納無地之糧不爲清理必致病民病國應先由京兆區域籌辦清丈以次推行着內務部財政部會同酌定辦法呈候特派大員設局編制先就各色地畝最爲混淆之處妥爲辦理總期田制清審民累蠲除用符經訓釐定經界實行仁政之意此令 內務部呈准文官高等懲戒委員會議決已撤署廣西左縣知事呂競燕貪婪不法逞暴殃民交付懲戒一案依知事懲戒條例應受第三條第一種第一款褫職處分其搶掠匿走涉及刑事範圍並應交法庭

審訊等語呂競燕着照所議卽行褫職並交法庭從嚴審訊按律懲辦以昭儆戒此令

十二月十二日大總統命令

近日各省地方秩序漸臻安謐仍有怙惡不悛之逆徒謀覆祖國擾亂治安以致良民不得安枕尤以廣東浙江兩省爲其蓄心破壞之地幸賴地方文武長官同心協力扞衛閭閻迭次破獲機關使盜賊行爲無所復逞除暴安良厥功甚著龍濟光應給予一等嘉禾章朱瑞給予一等文虎章李國筠屈映光均給予二等文虎章此令

十二月十七日大總統命令

據振武上將軍督理廣東軍務龍濟光電稱緝獲亂黨布子靜李昌漢等訊據布子靜供稱被孫文

派爲敢死隊僞統領設立炸彈總機關製造炸藥
迭在省城正南街雙槐洞長隄酒樓等處投擲炸
彈傷斃男婦多名又據李昌漢供稱被鄧鏗派爲
炸彈隊長由港領銀潛赴內地招集黨羽分匿商
店潛用酒罐裝置炸油預備同時放炸起事餘犯
供均相同業經按法懲辦等情亂黨潛赴該省擲
放炸彈經該將軍督飭緝拿先後捕獲製造人犯
多名搜出危險物品多件業已全數破獲茲據供
係被孫文鄧鏗等派遣此等殘忍酷毒行爲既使
無辜平民慘遭傷害而各犯迷途誤入亦復同罹
刑誅言之曷勝痛憤仍着該將軍巡按使申戒軍
警嚴密防緝勿使亂徒匿跡伺隙思逞致擾治安
此令

十二月十九日大總統命令

上年贛寧倡亂一二叛徒謀爲不軌荼毒生靈舉
國皇皇痛心疾首本大總統不忍良民之受禍是
以掃除凶孽期於民間安居樂業無復風鶴之驚
乃亡命渠魁利誘黨徒肆爲煽惑縱一人則千百
人爲之受害不得不厲行國法以衛閭閻但除惡
不可不嚴而治獄不可不慎首要固宜懲究誣陷
尤須防維倫或株連無辜使真正凶徒轉得逍遙
法外夫豈情理之平近聞外省官吏奉行不善間
有捕役邀功偵探行詐誣誘平人等事是保民之
政轉以厲民殊堪痛恨嗣後拿獲案犯除逆跡昭
著者仍依法嚴辦外其因案株連查無確鑿證據
者豫審以後應即移交法官詳慎審判俾成信讞

而免枉濫庶預亂者無所逃罪邀功者亦不致誣
良用副本大總統保全善類哀矜庶獄之至意也
此令

十二月二十日大總統命令

特性之篇著儀于戴記園丘之制辨位於周官欽
若昊天享毒萬物粵稽古訓祀事孔昭改革以來
羣言聚訟輒謂尊天爲帝制所從出郊祀非民國
所宜存告朔餼羊並亡其禮是泥天下爲公之旨
而忘上帝臨汝之誠因疑配祖爲王者之私親轉
昧報本爲人羣之通義使牲牢弗具壇壝爲虛甚
非所以著鴻儀寶盛典也且天視民視天聽民聽
民之所欲天必從之古之蒞民者稱天而治正以
監觀之有赫示臨保之無私尤與民之精神隱相

翕合前經政治會議議決嗣由禮制館擬定祀天
之通禮已公布施行茲據內務部呈稱本年十二
月二十三日爲冬至令節應舉行祀天典禮本大
總統屆期敬率百官代表國民親自行禮各地方
行政長官代表地方人民於其治所致祭用擴古
義而答洪庥此令 參政院呈據祕書長林長民
詳稱擬將祕書王運孚凌文淵進敘三等等語應
照准此令 任命姜可欽爲福建政務廳廳長此
令 農商部呈據第八區鑛務監督署長何燿時
因病詳請辭職何燿時准免本職此令

公私文件

法令

文官任職令

第一條 文官除依文官官秩令授官外其任職區別如左 一特任職 二簡任職 三薦任職 四委任職 前項各職依本令所附文官任職表之所定

第二條 特任職簡任職薦任職爲高等文職委任職爲普通文職

第三條 特任職之任命由大總統特令行之其任命狀由大總統署名蓋印國務卿副署之

第四條 簡任職之任命由大總統就合格人員中簡任之其任命狀由大總統署名蓋印國務

卿副署之

第五條 薦任職之任命屬於政事堂者由各該長官詳由國務卿呈請大總統行之屬於各部院者由部院長官呈請大總統行之屬於各院所轄官署者由各該長官詳由部院長官呈請大總統行之屬於各省及各地地方者由各省地方長官呈請大總統行之其任命蓋用大總統印國務卿署名 前項屬於各省及各地地方之薦任職其應由主管各部院薦請任命者仍由各省及各地地方長官咨陳主管部院呈請大總統行之

第六條 委任職由直轄長官委任之其任命狀由各該長官署名蓋印

第七條 本令自公布日施行

附表

(特任)國務卿 左丞 右丞 外交部總長

內務部總長 財政部總長 陸軍部總長 海

軍部總長 司法部總長 教育部總長 農商

部總長 交通部總長 蒙藏院總裁 稅務處

督辦 參政院院長 參政院副院長 平政院

院長 審計院院長 國史館館長 全權大使

大理院院長 巡按使

(簡任)法制局局長 機要局局長 主計局局

長 印鑄局局長 參議 司務所所長 外交

部次長 內務部次長 財政部次長 陸軍部

次長 海軍部次長 司法部次長 教育部次

長 農商部次長 交通部次長 蒙藏院副總

裁 籌備立法院事務局局長 稅務處會辦

幣制局總裁 幣制局副總裁 鹽務署署長

中國銀行總裁 中國銀行副總裁 北京大學

校校長 全國水利局總裁 全國水利局副總

裁 外交部特派交涉員 鹽運使 各關監督

造幣總廠監督 財政廳廳長 鐵路督辦

鐵路會辦 參政院參政 參政院祕書長 平

政院庭長 平政院評事 肅政廳都肅政史

肅政廳肅政史 審計院副院長 審計院廳長

大使館參事 全權公使 代辦公使 大理

院庭長 總檢察廳檢察長 總檢察廳首席檢

察官 高等審判廳廳長 高等檢察廳檢察長

京師地方審判廳廳長 京師地方檢察廳檢
 察長 熱河歸綏審判處處長 京師警察廳總
 監 技監 京兆尹 巡按使公署政務廳廳長
 道尹 辦事長官
 (薦任)法制局參事 法制局僉事 法制局編
 譯 機要局參事 機要局僉事 銓敘局參事
 銓敘局僉事 主計局參事 主計局僉事
 印鑄局參事 印鑄局僉事 司務所僉事 外
 交部參事 外交部司長 外交部祕書 外交
 部僉事 內務部參事 內務部司長 內務部
 祕書 內務部僉事 財政部參事 財政部司
 長 財政部祕書 財政部僉事 陸軍部參事
 陸軍部司長 陸軍部祕書 陸軍部副官
 陸軍部纂譯官 陸軍部科長 陸軍部一等軍
 法官 海軍部參事 海軍部司長 海軍部祕
 書 海軍部副官 海軍部視察 海軍部科長
 司法部參事 司法部司長 司法部祕書
 司法部僉事 教育部參事 教育部司長 教
 育部祕書 教育部僉事 教育部視學 農商
 部參事 農商部司長 農商部祕書 農商部
 僉事 交通部司長 交通部祕書 交通部僉
 事 蒙藏院參事 蒙藏院司長 蒙藏院祕書
 蒙藏院僉事 蒙藏院編纂 籌備立法院事
 務局評議 籌備立法院事務局科長 鹽務署
 參事 鹽務署廳長 鹽務署祕書 鹽務署僉
 事 全國水利局視察 全國水利局僉事 各

埠交涉員 運副 權運局局長 運銷局局長
 掣驗局局長 場知事 造幣廠廠長 財政
 分廳廳長 各項徵收局局長 各項監理官
 鹽務監督署署長 礦務監督署僉事 參政院
 秘書廳秘書 參政院秘書廳僉事 平政院書
 記官 肅政廳書記官 審計院審計官 審計
 院協審官 審計院書記官長 國史館秘書
 國史館纂修 國史館協修 大使館一等秘書
 公使館一等秘書 大使館二等秘書 公使
 館二等秘書 大使館三等秘書 公使館三等
 秘書 大使館隨員 公使館隨員 總領事
 領事 副領事 隨習領事 通商事務員 大
 理院推事 大理院書記官長 大理院書記官
 總檢察廳檢察官 總檢察廳書記官長 總
 檢察廳書記官 高等審判廳庭長 高等審判
 廳推事 高等審判廳書記官長 高等審判廳
 書記官 高等檢察廳檢察官 高等檢察廳書
 記官長 高等檢察廳書記官 各省地方審判
 廳廳長 地方審判廳庭長 地方審判廳推事
 京師地方審判廳書記官長 各省地方檢察
 廳檢察長 地方檢察廳檢察官 京師地方檢
 察廳書記官長 熱河歸綏審判處審理員 典
 獄長 京師警察廳都尉 京師警察廳警正
 地方警察廳廳長 地方警察廳警正 技正
 京兆尹公署科長 縣知事 薦任待遇之省掾
 屬 薦任待遇之道掾屬 縣知事 都統署總

務處處長 薦任待遇之都統署總務處掾屬

薦任待遇之道屬 縣知事

(委任)法制局主事 法制局辦事員 機要局

主事 機要局辦事員 銓敘局主事 銓敘局

辦事員 主計局主事 主計局辦事員 印鑄

局主事 印鑄局辦事員 司務所主事 司務

所辦事員 外交部主事 內務部主事 財政

部主事 陸軍部科員 陸軍部二等軍法官

陸軍部三等軍法官 陸軍部副官 海軍部科

員 海軍部司副官 司法部主事 教育部主

事 農商部主事 交通部主事 蒙藏務主事

蒙藏院繙譯官 籌備立法院事務局事務員

鹽務署主事 全國水利局主事 礦務監督

署主事 參政院秘書廳主事 平政院書記官

肅政廳書記官 審計院書記官 審計院核

算官 國史館主事 大使館主事 公使館主

事 領事館主事 大理院書記官 總檢察廳

書記官 高等審判廳書記官 高等檢察廳書

記官 各省地方審判廳書記官長 地方審判

廳書記官 各省地方檢察廳書記官長 地方

檢察廳書記官 熱河歸綏審判處書記官 監

獄看守長 管獄獄員 京師警察廳警佐 地

方警察廳警佐 縣警察所警佐 技士 京兆

尹公署科員 委任待遇之縣掾屬 縣佐 委

任待遇之省掾屬 委任待遇之道掾屬 委任

待遇之縣掾屬 縣佐 委任待遇之都統署總

務處掾屬 委任待遇之道掾屬 委任待遇之
縣掾屬 縣佐

地方自治施行條例

(一)總綱 地方自治依本條例之規定由地方
公選合格紳民承縣知事之監督辦理地方公益
事宜 一縣之自治區域得設四區至六區其二
縣以上合併之縣得增至八區 前項之自治區
得分爲合議制與單獨制之二種 合議制之自
治區以該地方管縣之數除該地方戶口總額爲
一縣戶口之平均額再以六區除一縣戶口之平
均額爲一區戶口之平均額戶口滿一區平均額
以上者爲合議制自治區其不滿一區之平均額
者爲單獨制自治區

(二)自治事宜 (甲)本區衛生慈善教育交通
及農工商事項但屬於國家行政範圍者不在此
限 (乙)依法令及監督官署委任辦理事項

(三)自治職員 合議制一級自治區自治員定
額十名二級自治區八名三級自治區六名由本
自治區選民公選區董由本自治區選民中選出
三人由縣知事委任之 選舉規則以教令定之
單獨制自治區設區董一人依前條之規定選
任之 (未完)



哲學類

德哲學家聶奇學說之概要

英國莫安仁 上虞許東雷

是書爲英人赫爾曰三採擇聶氏學說之要旨而成。初非附和其說。要亦未嘗反對其理。譯者於未介紹聶氏學說之先。略綴數語於簡端。

今人之所樂聞者。厥惟戰事。然戰事之原因。果何自而起。或起於民族國家間之競爭。或起於軍人捍衛國家之義務。或由於國人驕矜之野心。或由於雄主侵略之主義。否則醞釀於一國人民之歆羨心。而鼓吹於輿論文字之中。以及社會個人及其優秀者之感動力。所鼓舞黨陶而致者也。吾人述及聶奇。當知其人具有激動德人之大力。雖德人未必盡從其說。然其學說之勢力。已影響於德國。惟聶奇系出斯拉夫族。頗反對德國政府。對於德王威廉二世。尤多貶詞。曾以弋取虛榮斥之。但其學說之主義。實能發展德國軍國主義。大學教習靡然從之。說者謂今德國雄視世界。侵略與國。

之政策。聶氏殆預有力焉。余雖不敢確定其說。然聶氏學說實爲德國軍國主義之導線也。

聶氏之書。其初讀者甚罕。未爲世人所歡迎。厥後其感力漸次擴張。遂爲社會有力之學說。先是歐人皆未注意其爲人。人皆目爲狂夫。迄今始漸爲人所屬目。歐洲各報皆評隲之。然皆反對其說。而非服從其言。蓋因其所言實足破壞條頓代議美善之制度也。德人風靡其學說。殆亦德國衰弱之朕兆歟。茲將赫爾所述。逐譯如下。藉覘聶奇生平之大概云。

第一章 聶奇事略

聶奇費得力克 Nietzsche 於一八四四年。生於德之仁根。五歲喪父。幼入學校。至一八六四年。肄業於滂大學。越二年。復至雷比西大學。初習普通文學。後研究六書之學。造詣頗深。時雖未授學位。然已延聘爲巴爾大學教授矣。

當聶氏學說甫傳播於歐洲也。其感力尙微。歷十餘年。其勢寔盛。駸駸乎奪德哲學大家康德之席。而代之興。德法人士誦其書者。實繁有徒。英人亦漸習其所著述。聶氏歿後。其妹刊其傳略。譯印甚夥。其學說具有激動世人之偉力。故吾人對於聶氏之歷史及哲學。不可不知其大略。雖其對於古昔之名言。至理。橫加攻擊。如狂飆之驟興。洵足駭人耳目。彼主張無道德。無正義。不啻舉世人所維持之真理。

吾人所固有之。本性二者而毀滅之。或謂聶氏哲學不能組成一有統系之學說。聶氏亦自評隲之。彼謂己之學說。不願使之成爲形式之學派。但發表個人之意見而已。余之講學。除表暴誠。愨信實之意見外。無餘事已。

聶奇表暴其學說之道。可括之以二語。一曰誠。二曰勇。且具精闢之辨別力。爲人所未逮。故其研究音樂。務求高尙。誦讀書籍。必擇超邁之文字。否則寧屏而不觀。因其致力於誠也。故凡事理之不合其理想者。輒吐而棄之。其於交友亦然。脫其良友。與之意見相歧。寧與之割席。其嚴守學說也如是。且對於世人崇奉之學術。每加之以蔑視。由是恆與世忤。人皆短之。故聶氏之哲學。道德。宗教。美術。音樂等。理論皆以精闢爲標準。否則視爲土苴。不若由是可知。聶氏之哲學。殆屬美術家而非屬於思想家也。

聶奇之父爲耶穌教士。其妹頗贊助聶氏之學。聶氏初產於鄉曲。無異於恆人。惟其家庭皆有道心。故聶氏之所感受者。畢生均獲其益。雖彼離棄宗教。然綜其生平。未嘗離棄宗教之感力也。彼縱云上帝爲無有。但察其一生誠愨信實之心理。可決其仍有宗教之基植於其中耳。彼謂己死之上帝。蓋屬於人造者。而非屬於天然者。至天然之上帝。彼固信仰猶是也。

聶氏年六十九。任巴爾大學教授。習希臘文。大受古文之感力。以爲希臘文化。實世界最高之文化。能

養成吾人完備之理想。至其人格亦復睥睨一世。自命爲華胄優秀之材。彼謂己族系出波蘭。受教會之逼迫。其祖乃遷徙至德。是以其人性頗具希臘古世勇士之氣概。宜其有反對基督教之意志也。氏之所注重者。若勇敢。若冒險。若潔淨。若耐苦。以及嚴厲等。皆是。因是與基督教之謙順溫柔慈愛仁恕諸美德相反。對蓋基督教諸美德。皆氏斥之曰婦人之仁也。聶氏謂人以壯麗稱者。必有能力以輔之。蓋必有勇敢之能力而後。乃能出人頭地。并謂生命等於壯麗。壯麗等於能力。故吾人之生命亦等於能力。聶氏遂循此主義。以爲研究其哲學之資。特吾人不能得其學說確實之公例。如格致學。然蓋其學說無統系之可尋也。彼讀希臘古文。而發達其思想。緬希臘人民於審美主義中含有尙武之精神。凡希臘古文家皆含有斯意。氏誦其書。乃大受其感動。時德有大戲曲家瓦克納 Wagner 氏亦大受其感動之力。瓦克納於音樂負盛名。其中亦含有尙武之精神。是以氏任巴爾教授時。與瓦克納往還甚密。瓦雖爲樂師。然其主義與希臘古文家相似。聶奇於其音樂。遂大有感悟之理。復以希臘古文家之觀察羣治也。具種種之方面。不僅及於快樂而已。且并及社會之痛苦。凡希臘古文家皆具此境。能表明其所受之痛苦。因社會無痛苦。卽無進步。故痛苦中寓有莫大之能力。是尤爲聶氏之所感悟者也。况希臘人不特知有痛苦而已。抑且能勝其痛苦。而爲快樂。其故何哉。蓋知痛苦之作用。但欲顯其能力主義於世界而已。是以希臘古文家不獨能言社會苦樂之情也。抑且能創造完備之社會。以其理想創造神話。而啓世人歆羨之心。對於能力主義。知爲世人所歆羨。引以爲莫大之榮譽者。實皆爲吾力所能成之也。

(未完)

政治類

英國治印問題 (甲編)

莫安仁 徐維岱

緒言

優勝劣敗。天演公例。二十世紀之潮流。激射風雲。翕張合異。域爲同流。集萬矢於一的。政治也。法律也。以及其他種種事件也。此行彼效。競相步武。其所以不肯稍落人後者。蓋亦恐不如此。不足以競爭。而卽墮入於天演淘汰之旋渦中耳。中國現值新陳過渡時代。五花八門。眼光撩亂。雖竭力進行。尙無一定方法。設非有所規仿。如巨舟之蕩漾中流。恐終無到達彼岸之一日。蓋世界人類風氣。容有不齊。顧以東西數萬里。遙遙夔隔之英德。立憲政體。其民族不同。宗教不同。文字語言不同。而中國軺車載道。聘問往返。意氣殷拳。一若非此。卽不足企合於大同之趨勢者。然則以同洲同種之國之良法美意。而作一正比例。不尤爲一般熱忱愛國者所歡迎者哉。

印度與中國同居亞細亞之一部分者也。幅員遼闊。人民衆多。大率彼此相等。故可援以爲例。請以英國治印問題之數種爲中國告。詩曰。他山之石。可以攻玉。倘亦爲有識者所樂與磋商者乎。是書原本法文。爲法國議紳崔理約瑟 J. Chailley 所手輯。崔君初以本國各殖民地。無完全管理法。而英人治

印。成。績。卓。著。特。行。躬。往。調。查。詳。晰。記。載。事。竟。哀。然。成。帙。顏。曰。英。國。治。印。問。題。以。史。家。之。直。筆。寫。政。界。之。偉。文。既。不。左。英。亦。不。右。印。公。論。所。在。固。將。移。此。爲。本。國。管。理。各。殖。民。地。之。金。鑑。錄。也。英。國。駐。印。內。閣。大。臣。麥。爾。威。廉。恩。Sir. W. Meyer 讀。而。善。之。乃。譯。爲。英。文。並。於。簡。首。書。有。數。語。而。持。贈。於。本。國。印。度。藩。部。大。臣。毛。雷。Lord Morley 君。詞。曰。公。爲。印。度。藩。部。大。臣。驚。濤。駭。浪。危。險。萬。狀。而。公。獨。能。援。引。此。印。度。而。達。於。最。高。地。位。此。功。實。堪。佩。仰。云。云。然。則。是。書。之。價。值。不。亦。從。而。可。知。哉。環。顧。神。洲。時。事。激。刺。用。更。譯。之。藉。以。借。鏡。焉。

第一章

疆域

印。度。疆。域。綿。延。山。川。險。峻。實。據。有。一。洲。之。廣。闊。而。非。一。邦。一。國。之。所。能。抗。希。面。積。一。百。七。十。五。萬。英。方。里。南。北。距。二。千。英。里。東。西。亦。距。二。千。英。里。陸。地。轄。境。凡。六。千。英。里。海。岸。區。域。共。九。千。英。里。以。西。方。各。國。擬。之。除。俄。羅。斯。外。儼。有。歐。羅。巴。全。洲。之。大。惟。廣。土。突。出。一。臂。遙。伸。由。迤。北。山。旁。至。迤。南。海。濱。一。帶。有。所。謂。地。臂。者。乃。覺。登。乎。特。別。而。已。其。西。北。各。高。山。以。及。山。後。大。平。原。曰。嘎。希。米。爾。Kashmir 皆。由。印。控。制。蓋。就。形。勢。以。觀。西。北。之。西。藏。本。其。連。屬。之。一。部。分。而。東。南。之。緬。甸。並。苗。種。各。小。國。莫。不。包。孕。在。內。故。

以印度疆域而論。有經濟之關係。並有政治之關係。經濟之關係。姑弗論。其關係政治者。凡分爲二。一爲英國領地。一爲印度土酋領地。英國領地面積。凡一百萬英方里。人民二百三十二兆。印度土酋領地面積。凡七十餘萬英方里。人民六十二兆。是爲印度疆域之大概。

茲請以印度各山言之。按各國疆域。大抵以山爲重要品。而印度尤甚。以其山於人民政治上。均有密切關係。故也。蓋印度全地。江河之水。泉草木之雨。澤莫不以山爲挹。注故田土之肥瘠。年歲之豐凶。以及戶口生產之衆寡。胥於是乎剖之。而山乃爲印度所最注意。惟印度山分爲二。一爲喜馬拉亞。曰 Himalaya 山。一爲地臂各山而已。喜馬拉亞。不特爲印度一國之藩屏。實卽東亞全洲之保障。故氣勢崇隆。岸然特異。面積不下一百萬英方里。而高亦達一萬八千英尺。壁立千仞。攀陟爲難。山居人民。以是絕少。亞細亞之所以分爲東西。而杜絕往來者。蓋實以是山爲全洲之機關部焉。西畔平坦。較易行走。故阿富汗 *Afghanistan* 巴剎克汗 *Baluchistan* 與印度時通貿易。而兩方面之交涉。亦卽由是而起。其間遂爲自古一戰爭之藪焉。

蓋地方旣極擴張。則產殖自必饒富。川迴谷統。繡錯綺交。是不必論其他也。卽以喜馬拉亞山觀之。已可概見一斑。按喜馬拉亞地。大物博。爲印度全國冠。膏腴擁抱。沙漠縱橫。草木豐盈。禽獸繁育。冰河絲

互於前。天峯矗立於後。試爲登高極目。洵足顧盼自豪。惟印度獨擅之形勝。尙不在北而在於南。欲續南游。必由北入。蓋西北大抵多山。而東南則復瀕海。氣候縱極炎鬱。巖居足却塵囂。凡騷人墨客之聯袂來游者。固多而高官顯宦之借此治事者亦屬不少。時則海波如鏡。嵐翠撲簾。綠陰罨畫。涼露凝珠。花香鳥語。帆影潮聲。身之所之。有不覺其快然自足而已。然此猶僅言由北而南之一境。而未及其他也。蓋自喜馬拉亞山外。其次卽爲地臂諸山。地臂諸山。雖不敵喜馬拉亞高大而危巒秀拔。遠岫雲連。其由北而南蜿蜒以達於海者。各山脈線之延長固無非一喜馬拉亞爲之發始。而組合之而已。然則山之關係。顧不重且要哉。

不寧惟是。歐洲各國向不知有亢旱之患。而印度則雨量稀少。全賴各山爲發源所。故各山與雨水之關係甚大。而雨水更極寶貴。蓋印度人民之生活在於耕作。耕作非雨水不可。而印度則不外三者一爲江河之水。一爲開鑿溝渠之水。一爲雨。江河之水。分爲南北二支。其水之由來。悉濫觴於各山。如陰突斯 Indus 江。色特雷斯 Sutlej 江。勃拉馬普忒惹 Bhramaputra 江。愛惹華德 Irrawaddy 江。撒露陰 Salween 江。甘籍斯 Ganges 江。等等。或爲山泉所流布。或爲嶺雪所融化。奔騰滂沛。一瀉千里。而印度迤北至迤南一帶之田疇。澤被所及。遂得順時佈種。故農氓之以是水爲灌溉者。實居多數。次則

開鑿溝渠而已。溝渠之水設尙不足而雲霓之盼膏澤之施乃不得不望諸天。此南北各省情形也。其中央各省亦大半賴雨。按印度全境歲約得雨六十寸。每遇雨至必先有大風以爲之兆而雨則卽視其地山勢之高低以分雨勢之大小。蓋風由海之東西兩方面而來其中均挾有雨點。山低則風雨渙散其勢必小山高則風旣被阻而雨亦蒼萃爲一其勢必大也。故風由海東來則雨在東省風由海西來則雨在西省或風由海東來而適爲阿撒孟 *Assam* 高山所阻則其雨亦必叢集於海東一境。甚至歲有得雨自三百寸起至五百寸止者其大可以想見矣。其海西之風亦然。然是皆不過有定之雨而已。若無定則勢必不可測度。有極多者有極少者多故有水患少則有旱患。如新德 *Siwalik* 與巴劉 *Bahawalpur* 豈斯坦各地歲不過得雨三寸而時有旱患者卽其例也。

雨量有不同而氣候之炎涼於是亦異。有極寒冷者有極酷熱者故印度氣候當分爲二。中央及迤南各省雖稱溽暑大抵均屬溫和。孟加 *Bengal* 則夏令極熱而冬令極寒以彼較此而氣候乃有迥不相侔之致。或問分析之原因在何則距赤道較近者晝夜長短暑度無差故氣候勻稱。距赤道較遠者晝夜長短暑度不一（夏令日長夜短冬令日短夜長）故夏熱冬寒而已。總而言之則印度氣候非熱卽寒地方非旱卽水。故人民之以熱疾致死者不可枚舉。如一九〇二年之役每千人中死者不下三

十一人有半其三十一人有半之中以熱疾死者凡十九人則住居印度之困難夫亦可以知之矣至其他各地則蚊蠅蚤蝨之類甚多臭穢刺鼻尤不可以一日安故吾人對於印度之疆域而言其關係於人民政治之要點者誠非淺鮮也

第二章

風土

今人之未涉足於印度者輒以印度山水明秀甲天下其中必有若何奇妙之一境令人可以探索而得庸詎知耳聞不若目見固有迥越尋常度料外者蓋其地本炎熱揮汗如雨操作維艱而又天不做美入夜卽易昏黑無崦嵫夕景之足供娛悅兼以蚊蟲騷擾故更不安雖有佳山水而其胸臆間迄無怡然渙然之一日且印度除喜馬拉亞高峯外各種山水原無甚可觀而熱道以外則岡巒斷續草木凋零更覺蕭然無興味之可尋惟熱道中較爲繁盛而已蓋熱道氣候和煦四時皆春流水橫隄綠陰如幄平原一望遠岫雲連煙霧迷離若別有一種觸目怡情之概者固亦其地理上優勝之點有以使然也惟植物則欲求如歐洲之蒼松古柏蔽日干霄者卽間有一二顧已不甚多觀蓋印度土壤肥沃雖爲自古產生異材之淵藪而今則敗壞不堪除中央數省外所保存者已寥寥無幾中央數省之

大森林幽深宏邃向爲人跡不到之所前一二千年印人以亂事竄避其中者頗不乏世外桃源談者美之惟一經入內往往有觸生熱疾之慮後人遂相戒裹足焉顧其地森林雖如此而今日英人之愛護栽培則頗不遺餘力如干籍斯江一帶當事者不知寶貴經屢代之蹂躪斬伐雖已如牛山之濯濯而各省雨水又極稀少河道旱乾方宇遼闊欲圖恢復亦殊不易然果竭力經營加以工程迂之以時日當不難徐收其效所慮種植甫值萌芽而樵牧往來牛羊踐履則實爲森林之一大害而已印度動物如寒蟬仗馬各有特別性質噤不發聲雖驪有時而長嘶而犬亦不甚高吠牛羊等等則惟往來栖嚙於淺草蒙茸中均索索無生氣然亦頗足爲山水增色或謂動物何以不鳴按英人某嘗笑語人曰是物之不鳴以懼猛獸故也蓋印地多虎豹狼象之屬善噬人故動物尤不敢稍一自露如一九〇五年印度人民之被害者不下二萬三千八百五十有一口而牛馬等等則更過之凡十萬〇三百十六頭就中人民以二萬一千七百九十七口爲蛇所傷而二千〇五十四口則被害於各獸馬牛以九萬二千二百七十七頭爲各獸所傷而八千〇三十九頭則被害於蛇嗚呼慘矣雖政府恆有懸賞捕誅之令顧殺一生二禍根莫絕遺孽永存則亦無如之何

印度風土大略如是彼此各有不同讀者亦可窺見一斑矣凡在東者固不能謂與西一例而在南者

亦不能謂與北相等。即同在百里之中。其參差不齊者正自不少。不特此也。而種族語言文化之間。尤各有特別之點焉。惟不同雖多。而同者究亦間有一二而已。如平原大陸等等一片乾淨土。固絕無陵谷變遷之異者。至各名勝古蹟。則荒煙蔓草。湮沒雖多。而最近創設之紀念碑亭。禮拜寺院。樓臺迤邐。金碧輝煌。要無不足爲印度景色之點綴。即與歐洲容有不同。而其自古及今。事事物物之能感動人者。則隨在而有。故論印度風土者。初不能以彼此不同之原因。而故貶其價值也。

是外又有舊印度與新印度之分。舊印度以海德樂巴特 Hyderabad 爲最錮蔽。新印度則孟買 Bombay 加爾谷答 Calcutta 羨棍 Rangoon 喜馬拉亞山各處而已。蓋孟買爲各國通商大埠。車轂輻湊。貨物殷繁。歐亞人民之僑居於是者。各據其半。其屋舍形式。亦判然劃分爲二。到處有製造機器廠。加爾谷答羨棍亦然。喜馬拉亞山則向爲政府各官僚夏秋避暑之所。轍跡勾留。歲恆五六閱月。故即以是爲行政公署。軍警羅列。各地防守極嚴。一望可以即知其爲新印度者。因無庸縷述爲也。舊印度則不但窮鄉僻壤。風氣大都閉塞。即平日素著之名城巨鎮。不開通者亦甚不少。而海德樂巴特尤爲首屈一指。按海地民數不下四十萬。而習慣自然。俗尚陋劣。入境無稍新氣象。悉與舊時無異者。實印度之缺點也。

海德樂巴特等處婦女。夙守鎖閉主義。閨門以內。不越雷池一步。卽或偶爾出行。亦必以黑紗籠面。其馱馬各種。亦絕無新意。惟象則錦繡紛披。金銀滿綴。若惟恐其文彩之不彰者。然顧穢臭薰蒸。究鮮改良狀態。寺院則經幢梵宇。丹堊一新。幾有徧地祇園之概。出入廊廡。俱極幽邃。蓋所以使人拜跪也。寺院之外。塵肆林立。金業則有金市。銅業則有銅市。分道揚鑣。各有定所。惟以城中爲夥。

班拿勒斯 Benares 尤印度名勝區域。卽所謂恆河是也。與干籍斯江相毗連。印人以恆河爲最聖潔之地。頂禮膜拜。善男信女。不絕於道。故其間琳宮寶殿。璀璨眼簾。每屆大會盛開時代。香雲環繞。法雨宏施。凡一般皈依佛教之徒。無遠近莫不踵至。有宣誦佛號者。有跌坐蒲團者。超然入定。絕無掛礙。蓋其虔誠奉道。實有令人不可及者。惟亦間有醉心過甚。若狂若癡。一遇異教。卽有拔刀仇殺之意者。則皆迷信所致而已。左右兩行。緇衣排列。更覺實繁。有徒俗以敬牛爲惟一要務。然有聖潔者。亦有不聖潔者。習尙惡劣。戶口殷繁。人有病者。輒舍身投入恆河而死。以爲可以藉此懺悔也。殊不知生命有限。流水無情。病者雖絕不自悟。而恆河之一片渺茫。疾流不返。已由北而南。而直入於大海汪洋中矣。以二十世紀之開明。而其人尙如是。則由現今以洄溯疇昔。而恆河之煙波浩蕩。骸骨飄流。豈尙可以僕指計耶。

此皆足爲印度風土猥瑣之一證。予亦無暇細述。卽此可以見其大概已。

改良社會策

美國衡德森 古田鍾春暉

第一章·論改良社會須以經濟理想爲基礎

天生衆民。各具一性。無種族之分。國土之別。則法之有益於泰西民族者。亦必有益於泰東民族。此爲吾論前提。而尙待商榷者也。夫吾所論者。全世界人類之幸福。非如政客然。專爲黨魁爭權奪位。計始以政策。陷於世。蓋吾黨宗旨。專爲林總下民。籌良法。使其於生活。經濟。道德。各方面。均有長進之一日也。

吾固一耶教徒也。此爲吾所不能諱者也。而吾所信仰者。獨一上帝也。夫上帝固至聖。非吾可企而及之。故吾求其法相於基督之身。至於信仰之玄妙。則非吾所能盡言。雖然。吾教之上帝觀。生命觀。罪觀。功觀。以及救贖永生之道。均有理可尋。有實可證。誠爲濟世慈航。續命金丹。此吾所以中心如焚。欲爲東亞同胞告也。鄙人此度東來。蓋欲以西方社會改革情形。謹告諸君。然而此種改革。均本諸基督慈悲公義之心而生。凡如保嬰療病。養廢濟貧。各種慈善事業。以及爲罪犯謀善後。爲苦工籌生計。雖極教養有道。類皆能心。基督心而爲之也。此種具體計畫行之。以高尚精神。則其目的理想價值。均見完

滿如吾東亞同胞能按法而行將來造福社會實非淺鮮故不惜脣焦舌梗作此忠告至夫基督之教本自東方發生爲東人心理習慣所組織而成行之西方各國既成效卓著則行之天下亦必如是此可斷言者也謹以改良社會之原理分論如左

(一)經濟天演爲物質進化之界線。世界者物質之世界亦乃遷流變動無有窮期之世界也故生活於此世界之人類亦不能膠柱鼓瑟守一不變蓋物質既日進文明則生活程度日高生活程度既日高則求生活之能力亦宜日增其價值微之歷史均有索可尋也

讀各國歷史則於格致未興汽機未明以前歐洲社會上之經濟如何不難得其真相溯自十七世紀末葉起至十九世紀開幕止實爲經濟過渡時期各國經過此級天演速率雖有不同而於近百年中之變動均覺有一瀉千里之勢大非前時期之所可同日語也

(中世紀之異點)史家所載舊社會之異點可約言之如下(一)城鎮村落交通不便(二)專業分功規模未備(三)資本弱小工業不振(四)工業經營在於小匠之手各自爲謀不相倚賴(五)貨物懸遷多屬以貨易貨販路狹小不大發達(六)通運不便有無難濟是處荒饑彼處救振不易(七)居民多數隸於奴籍無解脫拔升之望或隸僧籍不食自力仰給於人此則舊社會大概之情形也

(今世紀之異點)(一)各種工業均互相扶提。(二)各項勞力均萃聚於製造之場。分功授事。精益求精。(三)各種營業均鳩合巨資。增加生產之能力。(四)工商各業均在專家之手。總其成者。皆由才具競爭而得。(五)造成一種人民。依賴工資生活。雖非田奴工役之可比。然去其生產之器具。則生路絕。以故爲資本家所魚肉。此則現在社會大概之情形也。

右列新舊社會情形。係絕對的比較。須稍加數語。始能得其真相。蓋歐美中雖極長進之國。大企業幾乎控制全國生命。然舊式小本營業。至今尚存。村夫野老。仍有藉漁獵而謀生。家人俗婦。尙自造衣履。以自給。工呼於道。以求役使。匠立於市。以待招請。規矩斧斤。外無長物。均仰給材料於主顧。而得一二日之工資也。稍進之社會。則有製就之器具。以供鄉鄰購買。猶有進者。則有商賈購買。生貨輸入。大城巨鎮。造成熟貨。售之名商。巨賈。不直接銷售於用者。手也。閒嘗竊觀中國社會之現象。無異歐美工業之組織。頗見發達。其有不同者。發達之遲速而已。

今日中國經過之時期。正吾歐美所從出之過渡時期也。大多數人民。仍以稼穡爲生。散處原野。終歲勤動。各食其力。各理其器。不相往來。不通聞問。古風尙未去也。耒耜犁鋤。后稷之制。道路舟車。禹湯之物。生產卑劣。轉運困難。汽車輪船。乃近今之事業。製造建築。係新進之經營。如能一致推廣。百度維新。

行將見農人捨耒耜而用機器。工匠棄鄉閭而就局廠。則蠹鄙之社會將進於組織之社會。勞力者不直接受主人之拘束而間接受資本家之羈絆矣。然則中國將來所歷經濟的天演必與吾歐美同出一轍。此可斷言者也。第所歷之速率如何。吾人不得預知之而已。

右所述乃經濟自然秩序所生之現象。非豫定之法術。或社會之政策所致而然也。其所以致此之能力無形蹟可尋。間或有大人物爲箇人起見。籌畫善策。福及他人。然以全世界經濟之潮流觀之。猶如勺水不足以削洋海之廣也。

今茲所論者。係豫定將來應行之政策。爲社會全體謀幸福。爲國民一致籌生計。故鄙人敢效芻蕘之獻。以資採擇。諒不至有野人獻芹之誚乎。

中國地大物博。察其情形。去工業發達之期已不遠。新法之障礙已除。鐵路之敷設已起。集股開設工廠。已有所聞。技師顧問隨地均有。凡此皆組織工業必經之階級。如能奮心孤往。則中國富強可立而待。若問西方各國。經此經濟天演。險象環生。中國亦將如是否。則曰此種問題。必然發現。所望中國能先事預防。不蹈歐美覆轍。庶不至犧牲性命。攪擾幸福。以污其工業之歷史也。吾書目的。卽歷舉歐美所經危險。考量適當方法。以救止之也。

或謂亞洲人民種性薄弱。屢受異族凌蹴踐踏。已失自治獨立之能力。又無合羣愛國之根性。其士大夫徒以文學哲理自矜。視製造工業爲末學。是誠不可與有爲者也。惟余詳考中國情形。證之西方歷史。則有大不然者。今請約言其故可也。

考之歐洲中古時代。其北方諸國受羅馬雄兵之蹂躪者。情形慘酷不亞中國。然條頓希臘猶太之民風。至今未墜羅馬之雄兵。而今安在。由是觀之。民風者。一族一國不易之主人翁也。外力雖強。必無久存之理。其故一。

新歐者。舊歐所構成也。形氣之新學。現名數之舊學。衰維新家。發其端。理化物理。生學製造。諸家廣其流。而歐洲始有此燦爛光榮之日也。夫歐洲人民受水旱災沴之禍者。固亦歷千餘年之久矣。其文人學子。曾亦埋身寺院中。經年累月。考道窮經。朝斯夕斯。禱禳誦維。無幾格致之學。明其舊理想。反從而實現。如夢大覺。而得精神之解脫。且能抗天行役。萬物也。小族易殲。大國難滅。武裝戰勝。非可久之道。國魂之產物。方可與天地同終始。其故二。

東方民族。今已勃然興。而爲空前絕後之大改革矣。此非外族戰勝政體變更之所致。實係物質之智識發達。以應才力之要求。使然也。先有酣睡時代。而後方有大覺時代。歐美各國所歷之境。均如此。則

今日東方民族之勃興必駸駸日上固意中事日本小國也一經格致新術之刺激變法自強卽一躍而登頭等國之列是其明證孰得曰支那民族終無潛龍騰淵舞爪飛揚之日耶其故三

格致之學者富國強種之學也非一人一國所得獨專其利也無種族無國土凡有血氣者皆有佔有之權利不必忍辱負恥於其下也柏郎寧氏 Browning 有言曰真理者乃彼蒼之恩賜非一人一姓所得而私也從公理觀之中國社會必有改良之一日其故四

歷史一大劇也世界乃大劇之舞臺支那之歷史應爲此劇之一份子夫支那歷史旣爲此劇之一份子則其有關於世界明矣於是余不能不引地質家之言以實吾說其言曰

「世界末期日邇一日末期未至前一切有情之物漸就衰滅此言固無可諱者也雖然按地球現象以測將來末期之至尙在億萬萬年後由是觀之世界適宜於有生之物尙有億萬年之久殆無疑義矣

「世界之適宜於生物夫旣如此矣然一切生物尙有遺類否尙可生存否此種問題猶當討論蓋觀動物種類之遺存有甚久者有其暫者然居於二者之間居其多數竟有歷億萬年而不滅者也由此觀之人類之長存證之歷史不能不信然亦不能無疑蓋以種族觀之有生存者有滅亡者如以全世

界。人。類。觀。之。則。另。是。一。問。題。也。

「論人類生存之問題中有二大要。因道德與智識是也。動物不能盡尚道德而思保存其種類。獨人以道德頓起保存種族之思想。此種道德之思想日以發達。則人類之長存更有希望。觀今日講求道德者。踵相接。則延生保種之道日益明。如是則適者生存矣。」

(未完)



傳記類

法國陸軍總司令卓弗事略

莫安仁

哈彼泉

(一知法國軍人之一斑二知軍人必具普通之知識三知卓弗戰法與拿破崙戰法不同)

人有謂卓弗之戰術。大概與拿破崙第一同一衣鉢者。故與拿破崙同視。然此說不確。拿與卓分別之點。顯而易見。蓋因今日之飛行機。爲舊日所無。飛行機之作用。能使秘密者無所用其技。此爲今昔不同之大凡也。試思上兩月間。馬恩之戰。與阿因之戰。卽爲拿破崙時代所未。夢見舊戰法。注重於細微。新戰法則否。昔日兩軍交鋒。雖與敵相對。不能目及敵軍之後。面今則及之。昔日運兵之妙。以暗度爲無敵。今則皆由鐵道運來。汽笛鳴。車聲軋。無有可以隱藏者。昔日行軍地面狹。今則行軍地面廣。故舊法不如新法之便。知新舊之不同。則知拿破崙與卓弗亦各有不同也。

拿破崙數次獲勝之原因。以所用之戰術。爲敵人不及料。能以奇計攻敵人之弱點。如敵人據高以臨下。自謂無恐。拿則於黑夜行軍以攻之。藉伺敵人所不備。後人驚爲奇功。而不知不適於今日之用。今日兩軍并行。我能往。寇亦能往。不得有先着祖鞭者。德意志前月與英法聯軍戰。德擬潛行包圍英法軍隊。詎意達某地點。而英法軍已於黑夜之中堵截來路。德大奇之。審是今日戰術。必不能攻人之弱。

即攻人弱亦必如筵前搏戰堂堂正正旗鼓相當以決雌雄而已進退之妙槍礮之巧又爲今日所尙然其主義無有不令人知者以言破敵誠難矣哉

今日之戰法以視昔日之戰法其異點甚多不第此也總司令腦質中所運用之法迥異昔日拿破崙出戰匹馬長槍按轡徐行今則乘坐汽車每一小時周行六十英里且現在法國戰線達二百英里以三小時閱遍拿破崙時代未有如是之速拿破崙巡查軍隊及於細微今則就其大概而檢查之昔日軍士無人不識拿破崙今則法軍與卓弗覲面恐不知爲何許人非卓弗出其名刺以宣示之彼必不知聞卓弗氏身材與拿翁等不過略矮而肥其腦力體力必有過人之處因其身受艱苦百折不回觀其乘坐汽車每日須用二司機人更替其耐勞可知至腦力充足則於編制全軍井井有條見之進而觀其部下軍僚審查輿圖詳考地勢不遺餘力惟卓弗氏素具長材無論戰地一帶山河橋梁皆於腦質中豁然呈露不必手披一卷朝夕研究而自瞭如指掌也卓弗每臨出戰之會不動聲色自信能勝故全體軍人悉依賴之部下軍僚恆不以不勝爲懼其崇拜如此但卓弗不獨不因崇拜者而獎賞之且因崇拜者而棄絕之報章之毀譽悉置不顧其對於毀之者與譽之者一例視之部下軍人雖登報譽揚絕不擢升官職徇私情以壞公義倘有被其超擢者必其功績偉大名實相符惟報章對於戰事

及軍政上發明新理想則必藉之以爲改良之方彼不知者動謂卓弗氏係一編制家而非韜略家以定氏之眞品評然而非也觀其臨戰之調度與紀律實韜略編制兼擅勝長無有出其右者且胸有成竹方針一定不再變更是其籌畫於事先不致張皇於事後故能如此毅然決然無一毫疑慮存乎其間馴致大功告成爲全軍所信仰是又難能而可貴矣

夫功之告成更有故焉卽其總司令處部下軍僚皆由法國軍官中挑選精幹者而來所以決疑定計皆集合衆議參加已見以爲辦事之程序最足取者軍人第問軍事不預政聞雖其中黨派錯雜亦不計較惟各以軍政爲前題卓弗君係民主黨而非天主教參謀長係天主教而非民主黨協將校二員一包氏一卡思挂克氏并無黨籍卓弗君坦然處之而不疑足見待人以公絕無偏私之見餘如被逐之軍官概因重黨派而輕軍務當其選舉入伍之初卽該黨擴充黨中之勢力所致卓弗嚴加擯斥正所以肅軍規而保國家故巡軍之會苟有缺點雖其人爲政黨有力之人亦當破除情面加以懲罰所謂凜如秋霜洵不誣也

卓弗於十六歲時得格致秀士十七入軍官學校一千八百七十年法德戰起因有功擢爲二等守備旋任礮臺之職二十二歲升副司後因任臺官有年成績昭著政府派往各國遊歷以廣軍識返國後

充軍士學校教習。當時各軍士淡漠遇之初。不料其今日身膺重任也。蓋卓弗悃悞無華。不求人知。故亦無人知之者。初得陸軍博士學位。專以實地驗習爲務。因他博士重理想而略實習。不如卓君一經領兵。卽能得衆兵之心。而衆兵亦服從其命令。觀於馬恩之役。宣示衆兵以寧死不退爲惟一之目的。故軍無二心。悉成勁旅。非偶然也。且重忍耐。淡名利。處處從真實。着手加以器械精良。軍士用命。烏得而不勝。拿破崙第一奚足與倫哉。

李司特耳傳略

莫安仁 哈筱泉

第一章

英國李司特耳係發明防腐要理者。氏以平民起家。至六十歲時。政府以發明要理有功。榮以爵位。本傳第一章。卽著明氏之幼年與其授學之時之情形。狀君產於倫敦相近之爾卜屯鄉。一千八百二十七年四月初五日。卽君誕降之期。是鄉荒草迷離。旁注河流。山水之景雅緻絕倫。氏家本素封。屬於奎克兒教會。會中人多殷實富才。幹彼此聯絡往來。甚相得也。

李氏之家。峻宇雕牆。花園數座。其生父以釀酒著名。雖其人無甚才具。然亦別有會心。每於商務餘閒。研究光學。考查鏡理。因其目力欠缺。不但求學。兼寓衛生之道而已。一千八百三十年。其所求光學之

理。爲現在發明大顯微鏡之根據。而消色透光鏡之進步。卽於是基之。查其發明光學之理之來由。始於目力欠缺。居恆窺伺玻窗。得水點之現象。遂由小而悟大。後被舉爲皇家學會之學員云。

一千八百一十八年。娶英北哈實女士爲妻。卽李氏之生母。母生四男三女。李氏行二。家富信道。而又性愛慈善。故福氣庇蔭。隆隆日上。奎克會會友。皆有是等現象。李司特耳幼時。受家法之薰陶。而又旁探其父考究光學之功用。以致達於成年。無往而不得志。氏於幼穉時代。卽有仁愛之心。發現以家道和平。而能活潑。其精神。雖對於外人。有含羞之意。及論生命與道德上問題。忽起誠敬之觀念。故年幼。卽與常人異也。

未幾。入奎克會學校。同學中人。有二三俊彥之士。皆具奎克臭味。該會始於奎克其人故名之君在校時無他異人。惟攻古文及格致。與夫各國方言諸科學。其所以致力方言者。以備將來足履其國境。會通其語言之地步。一千八百四十四年。入倫敦大學。是學開幕未久。而教育頗形完備。按級累進。而得秀士學位。惟未得特別之勳章。因考試之時。未能將已經領悟之書。透發無遺。以致他人善於強記者爭先。但在校不能發現其善悟之才。未能出人頭地。而移其善悟之才。以爲行事之具。自然名譽昭彰。迨後上承父命。升入大學醫科。故李君胸有成竹。不致徬徨無憑也。

當倫敦未建大學時。醫學不甚完全。因學生受學業於此。都受試驗於他方。故學生心理。乃專壹於學理。徒顧慮於考試。蓋考試發問。往往非學校所研究。即教員亦常存是心。間有教授不其竭力者。不但此也。醫學以分科教授爲最要。斯時學校未能計及。如解剖等門。列於一科。不如現在之精細。可斷言也。且解剖不易得人體。或盜棺於墓。而取其尸骸。或要人於路。而致之死地。奚足以爲善法。且醫學生略窺門徑。卽懸壺於私第。烏乎可。李君入大學時。一切舊弊。均已剔除。而醫學逐漸發達矣。

入大學時。受三人之感動最巨。一教授植物學者。一教授化學者。一教授生理學者。不但受學業上之教益。並增精神上之活潑。一千八百二十六年。大學畢業後。遊歷意大利。法蘭西。德意志等國。不惟參觀名勝。且就其國之醫理而討論之。返國後。倫敦大學聘爲教員。改良該校平日生理之舊法。因昔不注重是科。而今注重之。且遊歷德國時。見其國之醫學大家。施用顯微鏡。考查人體。腦肉及肌。膈之法。而效法之。故其名譽振動英倫。來學日衆。一千八百五十二年。第一次以發明學理著名。卽發明眼科之眼簾。其效用爲何如。因當時人不知眼簾有動蕩收放自然之功用。吸光線之多寡。辨色素之明暗。全憑眼簾以爲作用。故他醫遇有人之病眼症者。卽割去其所病之眼簾。而不惜。李司特耳對於眼簾自動之理。將他醫割去者。詳細考查。并及牛馬之眼簾。而比較之。就其心得。而著爲論說。呈於大學教授。以評得失。李氏云。余教務忙碌。對於眼科。未能得完全純粹之學理。不過略助講求生理者之參考。云云。大學教授閱君論說。頗有深理。登諸醫報。之顯微鏡門類中。以供衆覽。并借此以榮李君身任教員。而有學生之成績也。

未完

宗教類

基督誠命

英國霍爾登

上虞羅金聲

第一章 世人言行之標準

詩曰。天生蒸民。有物有則。民之秉彜。好是懿德。懿德者。何卽古昔聖賢之大道。舊約聖經之訓誨也。凡爲基督信徒者。咸謂聖經爲吾人闇室之孤燈。迷津之寶筏。相率接受基督教倫理。以爲一己言行之標準。不知吾人今日所接受之基督教倫理。非眞確之基督聖道也。蓋千百年來。人民增以己意。加以詮釋。附會穿鑿。眞意全失。譬諸燈然自遠望之。非不輝煌燦耀。然傳至立足之處。經四圍空氣之波折。已非復原始之光燄矣。今日基督教之眞道。亦猶是也。故其功用。僅能供文人學子論辯之資料。不足作一切衆生渡世之金針。以致世界多數人民。有聖經而不知研究。講聖道而不能遵守。大都奉似是而非之理論爲圭臬。使道德陷於莫大之危險。可勝慨哉。

今日羅馬教會對於自知天良有虧。及行爲不端者。使至神甫前認罪。候其判決。或者謂此舉於今人憂危疑慮之心。有良好之援助。既能息道德上皇惑之紛爭。又可免心靈中意念之擾攘。然而誤矣。蓋眞正之認罪。所非於四福音中求之。不可以救主基督高坐在彼躬自指導。吾人之心靈所用方法簡

單。微。妙。所。傳。訓。示。詳。明。真。確。易。於。領。悟。不。惟。訓。示。已。也。且。以。其。一。已。賜。諸。吾。人。代。吾。人。贖。罪。神。恩。之。大。寧。有。涯。乎。

夫。基。督。聖。訓。本。至。明。晰。而。今。日。教。會。竟。未。集。此。訓。示。懸。諸。禮。拜。堂。顯。著。之。處。誠。吾。人。所。百。思。不。得。其。解。者。也。蓋。嘗。思。之。基。督。聖。訓。實。包。羅。舊。約。一。切。誠。命。足。爲。吾。人。言。行。之。軌。範。倘。能。恪。遵。敬。守。可。膺。上。賞。可。獲。真。榮。惟。不。容。與。世。俗。流。傳。之。倫。理。相。淆。混。奈。之。何。今。日。各。教。會。之。禮。拜。堂。僅。有。皇。皇。金。字。所。書。之。摩。西。十。誡。而。新。約。基。督。之。訓。言。則。無。一。焉。詎。不。異。哉。顧。或。者。謂。摩。西。十。誡。亦。有。妙。用。就。基。督。詮。釋。十。誡。之。精。義。而。言。十。誡。之。功。誠。有。不。可。磨。沒。之。價。值。斯。固。然。矣。惟。基。督。嘗。舉。其。一。已。對。於。摩。西。古。律。之。意。見。告。諸。世。人。曰。彼。所。言。乃。爲。古。時。人。民。而。發。余。所。言。乃。爲。現。在。及。將。來。人。民。而。發。大。哉。聖。言。教。會。何。竟。並。此。而。蔑。視。之。雖。然。今。日。社。會。苟。能。人。人。守。此。十。誡。社。會。狀。况。必。大。變。異。一。切。有。文。無。實。之。禮。節。必。盡。掃。除。種。種。傷。風。敗。俗。之。惡。習。必。自。消。滅。禮。拜。堂。中。所。以。懸。此。十。誡。俾。教。徒。得。時。時。接。於。目。而。觸。於。心。者。實。皆。職。此。之。由。况。所。謂。遵。守。基。督。新。律。者。非。廢。滅。摩。西。古。律。之。謂。乃。道。並。行。而。不。相。悖。之。謂。所。謂。以。新。代。舊。非。舊。者。不。及。新。者。之。謂。乃。以。新。者。完。成。舊。者。之。謂。讀。者。不。可。不。慎。也。但。基。督。聖。訓。所。以。逾。於。十。誡。者。以。苟。無。此。聖。訓。則。彼。十。誡。僅。等。具。文。是。故。欲。顯。示。十。誡。真。正。之。功。用。非。盡。舉。基。督。聖。訓。表。而。出。之。不。克。有。

濟吾人今日倘依然任彼簡單緊要之聖訓沉埋隱沒是不啻有真光而不知用冥然墮埴以索途寧非自作孽不可活耶。

由斯以觀吾人今日不能不舉基督聖訓發揮而光大之用作個人及社會之指導昔人有言耶穌基督爲世人德性之代表其所發聖訓爲純潔之天良所授意其一生之事跡卽實行此聖訓之表證顧吾人之天良往往盲昧或薄弱惟基督能開導而扶植之吾人苟能宅身基督則吾人之良知良能必日趨於正軌可斷言也。

而猶不第此吾人苟欲研究力行基督之聖訓不惟當勿忘基督爲此聖訓所要求之地位抑且當緊記吾人之遵守聖訓與基督究有若何之關係基督嘗曰聞余誠命而遵守之者卽爲愛余又曰爾守余誠則不失余愛由是以觀聖訓與愛關係甚切試反其說以言之曰爾若愛余則守余誠此其奧義可舉兩足行走之理以喻之當行走之初第一足前進可謂爲與耶穌接近之發端第二足前進卽爲與耶穌接近之效果質言之卽設法遵守其誠命是已。

近世人民對於基督普通之態度嘗考而知之矣其意以爲吾人對於基督之爲人及權力咸有嚮往之心願奉其誠命爲吾人言行之準則基督謂聞余誠命而遵守之者卽爲愛余玩其語氣用意實深。

不僅指吾人因愛基督故。遵守其誠命而言。乃指因遵守誠命故。對於立誠之人。油然而生敬愛之心而言也。基督又謂愛余者。父愛之。余亦愛之。又曰。爾守余誠。則不失余愛。斯言也。即基督欲信徒因服從其誠命而發生敬愛之微旨也。

凡能舉與人爲善之道。用最良方法。教授吾人者。吾人必敬愛之。此人之情也。亦即吾人渴望接受真理之實證也。如釋迦蘇克拉底 *Socrates* 畢太果拉及他闡發基督真理之著名教師。世人恆敬愛之。雖歷時綦久而其苦心孤詣。依然留芳躅於人間。永永不滅。其例證也。吾嘗謂以銀錢或名譽。給予吾人者。非吾人之真友。而以良善之訓言。或模範教導。吾人使吾人之良知良能。日即光明。斯誠吾人之真友也。彼不憚焦唇敝舌。以真理訓人者。其所獲之酬報。即自世人心。理中所發生之敬愛。蓋自心理中所發生之敬愛。不詔而誠不言而謹。其熱忱始終不變。基督之所由獲門徒。心理上之敬愛者。以其舉與人爲善之大道。教授若輩。使其於悛矇迷惘中。得天心真光之照耀。良知良能。頓然發現。內而對於一己外。而對於他人。皆不期然而趨於賢聖之一途。因而於不知不覺中。對於基督。油然而生非常之敬愛。噫嘻。基督之道。大基督之心。尤苦此其所以能爲吾人最親愛。最尊貴之良友也歟。

(未完)



智叢

綿羊草

羅金聲

植物之形類動物者。如雞冠花鳳尾草等。不可勝數。然未有如綿羊草之酷肖綿羊者。昔有紐西蘭
New Zealand 牧人某。牧羊於高坡之上。已而欲率羊羣至他牧地。偶一瞥目。遙見對面高岡。有羊一
羣。伏地嚼草。呼之不應。驅之不行。若不服從。其命令者。心大怪詫。遂撥榛莽。穿荆棘。趨至其處。而視之。
始知非羊也。草也。而綿羊草之名。即緣此而生。夫綿羊草所以有此伏地形式者。由於其產生之地。大
都泥土少。而風力狂。故草莖歧生。無數小枝。滋蔓地上。枝頭皆有形類羊毛之小葉。用避狂風之吹。拔
耳。

手掌花

手掌花。喬木植物也。高三十呎許。葉之形式大小。酷類楓楊。最初發見之地點。係在墨西哥之土魯柯鎮。Hono。印第安人。敬若神明。謂爲數千年之物。世界他處所罕有。每當花放時。爭先恐後。採擷以歸。什襲珍藏。若獲異寶。

是花。無瓣。有雄蕊。五。作淡紅色。長若手指。下端互連。其萼絕類茶盃。裂而爲五。厥色深紅。底有五孔。色黃而美。中儲甜汁。蓋用以誘引蜂蝶。爲其傳播花粉之媒介也。

昔人恆以此花爲土魯柯所獨有。迨後游歷家某君。於果涕麥拉 Guatemala 覓獲一叢林。始知此花原非土魯柯鎮之特產。或謂古時印第安人。至果涕麥拉游行。見其花萼奇麗。異之。因而移植於土魯柯云。

軟石

石性堅硬。故人恆有其堅如石之喻。然亦有柔軟若橡皮者。洵足異也。英國皇家格致書院地理部。藏有印度烹查省 Punjab 之軟石兩方。其長各二呎有半。厚各一吋有半。平置几上。兩端支以物。則中部彎垂。中部支以物。則兩端彎垂。其柔軟可知。顧軟石一物。殊不多覩。今日所已發見者。除此兩方外。大抵皆爲沙石。餘如英國德爾漢郡 Derbyshire 所發見之一種灰石。亦軟石也。考其所以柔軟之理由。

則以滿含石英所致。蓋石英顆粒作三角形互相銜接處空而不實如鏈節然。故能任意彎曲。

古鳥

鳥類何自始乎。此問題在今日之進化論中猶未有確實之解決。惟其爲四足爬蟲類所進化。此則毫無疑義者也。有所謂亞基烏普透克斯鳥者。拔伐利亞 Bavaria 灰石層中所發見最古鳥類之遺骸也。觀彼遺骸四足爬蟲之狀態猶存。其大小與今日之鴉埒。上牙床有齒。羽毛生前肢上。惟前肢之端有三指。指上皆生爪。姆指之爪尤粗大。此三指之功用無非賴以攀緣樹物而已。此外更有一事。與今日之鳥類迥異。卽其尾骨甚長是也。今日鳥類其尾雖長。然皆爲羽毛之管。尾骨則甚短。羽毛之管生於其尾骨尖端。以視古鳥尾骨長至二十節。羽毛側生此骨兩旁者。實不相同。說者謂古鳥尾骨之長卽爲爬蟲進化之確證。信然。

山巔幻影

每當夕陽西下。涉足德國巴洛干山之巔。舉首東望於雲煙籠罩中。髣髴見一奇異之幻影。諦視久之。則又覺此幻影與一己之形體相似。且一舉一動無不酷肖。是以初見之人鮮有不駭怪却走者。然究其實。殊無足異。以彼幻影不過爲遊客一己之小影。由日光反射而成。其故蓋由巴洛干山附近時起。

濃霧。日光反照人影於濃霧之上。因而發見此奇異之幻影。至其大小。則隨游人佇立地點之遠近而異。當日出之初。人立其上。亦有幻影焉。其理與此同。惟發見之方向。則與日落時。適成一反比例。蓋日出時。現影在西。日落時。則現影在東。是不同耳。昔有某君。嘗屢登是山。以冀一覘幻影。而不獲見者屢矣。一日竟如所願。舉所見以語人曰。午後四時十五分。余正四週眺望。察其有無幻影。一瞥日間。於亞得們沙 Aethernanshoe 一方面。極遠處。見一極大之人影。時狂風倏起。幾挾余帽。以去。余卽以手按帽。而彼人影。似亦以手自按其帽焉。余大忻悅。因又彎腰作鞠躬狀。而彼巨影亦然。余方思更作他種狀態。彼巨影突然滅跡。余佇立原處。俟其復現。閱數分鐘。果又躍出於東方。余卽趨喚附近之逆旅主人。至。二人駢肩立一處。向亞得們沙一方面眺視。初則一無所睹。良久突見二大巨影。發現空際。效余二人之所爲。倏隱倏現。不可捉摸。余於是乃恍然。世人所稱之海市蜃樓。良有以也。

飛艇動物

飛艇動物又名果比哥。產於巫來羣島蘇門達拉 Sumatra 婆羅洲 Borneo 及斐律賓羣島等地森林中。體長二呎有奇。四足及尾。皆有翼膜包圍。如蝙蝠然。但不能若蝙蝠之飛翔空中。惟能自此樹飛躍他樹。其飛躍之速。率敏捷無倫。往往一躍七十餘碼。前足有鉤爪。飛躍時。爪伸不屈。迨飛近一樹。卽

回旋其體用爪鉤樹攪皮然後徐徐躍上樹幹。

當其行動時躑躅樹梢顯然易見及其寢息之際設欲覓獲殊非易易以其腹上背下倒懸枝上四足蜷曲首置前翅中且膚色深黃雜以淺色之斑紋望之酷類林中之碩果因是得獲平安休息不爲鷗鴉鷹隼所毒害。

果比哥每胎僅育一雛任至何處必攜之同往其雛初生時裸體無毛伏母胸前直至能自跳躍始免母懷其食物以樹葉及鮮果爲居多齒頗奇特尤以下牙床之門齒爲最甚蓋其門齒形酷類梳爲動物中所僅見尤奇者晚間出現之動物大都兩目炯炯而果比哥則渺乎其小亦造物孕育獨異也。

企鵝王

企鵝王種類較他種企鵝爲少繁殖於維多利亞蘭 Victoria Land 及可次蘭 Coats Land 等地羽毛光澤美麗無倫其大者體重八十磅鳥類中誠罕覩焉屠鳥佛 D. U. V. 至南極探險時始覓獲其卵攜歸歐洲然其孵雛之法當時猶未考知也迨後韋爾遜博士 Dr. Wilson 及狄斯克佛利探險船之博物家自南極歸始舉其孵雛之法詳告世人蓋企鵝王本不構巢以居恆藉浮冰爲窟宅其卵每產一枚產於浮冰之上孵雛時則置卵足背覆以足上之絨毛惟其產卵之期既在冬末孵雛之期又在

早。春。故。所。孵。之。雛。恆。多。死。亡。但。企。鵝。王。之。卵。育。所。以。必。在。冬。季。其。詳。細。原。因。雖。不。可。知。然。就。大。概。而。論。無。非。欲。使。雛。鳥。於。夏。季。之。前。發。育。完。全。能。自。保。衛。耳。當。雛。鳥。凍。斃。後。其。母。鳥。恆。攫。他。鳥。之。雛。以。哺。之。此。亦。天。性。使。然。也。

冰洋耐寒之生物

南。北。兩。極。天。氣。寒。沍。每。值。隆。冬。熱。度。往。往。降。至。法。倫。表。零。度。以。下。六。十。八。度。海。陸。之。水。悉。成。堅。冰。說。者。謂。此。冰。天。雪。地。中。無。論。動。物。植。物。必。不。能。生。活。孰。知。不。然。蓋。試。取。任。何。冰。塊。加。熱。溶。化。其。中。之。動。植。各。物。蠕。蠕。然。芊。芊。然。依。然。活。潑。而。繁。茂。也。一。八。九。七。年。英。國。大。探。險。家。卜。羅。斯。嘗。在。法。蘭。約。才。蘭。取。冰。凍。堅。實。之。青。苔。及。泥。土。（此。青。苔。及。泥。土。當。冬。季。時。其。熱。度。皆。減。至。法。倫。表。零。度。以。下。四。十。八。度。）加。熱。溶。化。見。其。中。之。微。細。動。物。逐。漸。復。蘇。若。不。知。曾。受。冰。凍。者。內。有。血。輪。蟲。及。泰。狄。革。拉。達。（譯。言。形。體。如。熊。之。小。動。物。也。）尤。覺。活。潑。異。常。最。奇。者。青。苔。中。有。微。細。之。線。蟲。若。干。當。初。冬。時。正。值。其。將。卵。育。之。期。而。乃。爲。冰。雪。所。封。至。是。冰。既。消。化。不。惟。其。生。命。毫。不。受。損。且。卵。育。如。故。一。若。未。嘗。經。此。蟄。伏。者。然。豈。不。怪。哉。非。第。動。物。已。也。更。有。多。數。植。物。如。海。藻。青。苔。之。類。雖。冰。封。甚。久。絕。不。凋。萎。及。受。熱。力。之。薰。育。益。現。欣。欣。向。榮。之。色。亦。云。奇。已。

文苑

菰城話雨圖題詠 附序

菰城話雨圖序

餘姚楊觀治 鹽甫

夫魚遞愁書致纏綿於遠道。雞催醒枕想丰采於中宵。鬱蔥春樹之鄉。懷人渭北。瀟晦蓬門之夕。翦燭窗西。類皆傾素抱於舊交。膠漆之堅貞可擬。未若聯同胞於異地。墳篋之唱和如聞。雖非荀氏八龍。多而益善。却合薛家三鳳。藉甚齊名。如吾友許竹雨者。其今世之姜季江乎。君之尊甫齋生姻世伯東浙碩儒南宮雋選。官辭花縣。鐸秉菰城。經明行修。卅載之提撕忘倦。家戶戶祝千秋之享祀不祧。謂崇祀名宦祠如此儒官有功名教。至今多士猶仰人師。而君則生長是邦。重遊茲土。學詩學禮。曾記趨庭。肯構肯堂。何慚作室以筆耕之所出。馬帳董帷資咳養之無虧。姜魚孟筍奚殊。奉檄安閒可當。夫板輿况有聯珠孝養同親於茗。誓蓋君有二兄子穀竹清。一則育英材以繼志。慎守荷盤。竹清時權歸安論叢一則襄會計以從公。藉資薪水。子穀時在總局襄事不謀而合。相聚為歡。風雨對牀。猶然童稚。蓋有莫之致而致。莫之為而為者。此話雨一圖所由作也。且夫閱牆之變。啓自崇朝。縫布之謠。來從編戶。或主參商而不見。或因財業以求分。何手足之多乖。皆古今所同慨。况乎紅羊歷劫。逋播餘生。黃鳥託歌。旋歸無日。魏孝子陵岡瞻望。盼

斷。鄉。關。杜。少。陵。載。道。流。離。痛。深。骨。肉。誰。能。遣。此。田。園。寥。落。之。餘。無。可。柰。何。戎。馬。倉。皇。之。後。惟。有。歌。林。杜。而。愴。懷。同。父。誰。其。宴。桃。李。而。樂。絃。天。倫。哉。茲。則。棣。萼。榮。敷。荆。枝。秀。發。一。室。春。塘。之。夢。百。年。毛。裏。之。恩。經。童。時。隨。侍。之。鄉。依。然。孺。慕。尋。總。角。釣。遊。之。侶。大。半。陳。人。亦。嘗。賦。伊。蔚。以。哀。哀。而。萱。草。忘。憂。於。堂。北。非。不。嘆。勞。薪。之。碌。碌。而。萍。蹤。適。聚。於。浙。西。讓。棗。推。梨。長。此。懽。愉。之。日。分。醪。餉。筍。無。非。和。樂。之。懷。豈。伊。異。人。喜。可。知。也。若。夫。定。交。杵。臼。者。松。仍。青。色。道。舊。雨。之。殷。勤。焉。結。契。琴。書。者。蘭。有。素。心。通。今。雨。之。款。曲。焉。舉。比。繼。業。者。父。兄。作。述。時。雨。之。感。化。彌。神。焉。旨。蓄。御。冬。者。娣。姒。和。諧。未。雨。之。綢。繆。無。失。焉。此。非。作。圖。之。本。意。要。可。比。類。而。推。論。蓋。表。正。之。規。孝。友。施。於。有。政。而。唱。酬。之。雅。詩。歌。應。徧。同。聲。劈。得。蠻。箋。裝。成。玳。瑁。拈。來。犀。管。匣。用。琉。璃。描。摹。一。室。承。歡。雖。縹。被。亦。安。燕。寢。料。理。千。門。看。榜。知。錦。標。終。屬。鴿。原。矣。走。也。悲。怙。恃。以。俱。空。勗。邁。征。而。無。幾。昔。較。五。常。而。有。倍。今。望。三。孔。而。難。齊。而。又。睽。隔。東。西。何。異。於。天。涯。地。角。凋。零。門。戶。致。憂。乎。飡。夕。饗。朝。違。桑。梓。兮。年。年。依。稀。遠。望。插。茱。萸。兮。歲。歲。惆。悵。登。高。縱。有。夢。而。難。通。恨。相。思。而。不。見。故。君。則。青。燈。話。雨。僕。惟。白。日。看。雲。而。已。

題菰城話雨圖

汪彥增 葦塘

良朋重遇快何如。涼雨瀟瀟話一廬。金石交真吾輩友。文章樂與古人居。能消塊壘千秋酒。雅誦清芬

萬卷書更喜聯牀兄弟樂趨庭應尙憶當初

一誠齋詩存遺稿

余生而魯鈍雅不善詩至光緒辛巳更絕意不吟詠復何稿之可存乎偶理叢殘有不忍遽棄者念少壯遭際多艱賴母教辛勤良朋切磋得不汨沒天性言情紀事時見乎詞則又不可以不存光緒

乙未上虞許傳霈竹雨自誌

先君子遺稿以經說古文筆記爲最多詩僅數卷而已均待梓行茲酌錄遺詩若干首藉就正於海內騷壇或邀選錄以廣流傳東雷附識

齋中偶占 癸丑

桃花復桂花寒齋不冷落二月雨紅雨八月雨金粟時隨侍

侍母歸家 庚申

布帆無恙挂天涯未慣行程問日斜船上老人頻指點曹江西去阿儂家一峯盤繞勢崔巍老屋三間傍水隈堂上白頭人幾個杖藜言笑出門來

落花

一庭芳草墮殘紅消盡韶光滿眼中大半東皇妒豔色莫教零落怨春風

雨中舟行

幾扇柴扉。傍水開。稻田灣裏。驢聲來。波紋細。皺江如練。雨不催。詩詩自催。
天空岸遠。認模糊。江樹濛濛。山有無。一幅丹青。濃水墨。教人重繪。輞川圖。

侍家大人宴金疊觀

梓里欣情話。荷風殘夏涼。山低雲樹綠。城近稻田黃。煮石仙人井。清心曲。水觴晚來不歸去。策杖喜高堂。

秋夜獨坐

木落宵深。候無言。獨上樓。天空孤月小。窗冷一燈幽。蟋蟀聲中老。蜘蛛網裏浮。不知今夜望幾處。別離愁。

登蓬萊閣

在紹興府城

此身已得到瀛洲。鏡水稽山面面收。八百鑑湖歸眼底。萬家煙火起樓頭。鐘聞山寺天催暮。風吼庭松客報秋。壁上題詩苔跡掃。不愁歸遠獨勾留。

消寒夜集

餘杭諸子。伯叔子方世交兄弟也。庚申避地來。虞結那小竹林。字每夕聯消寒詩集。其子姪教子伯叔子方世交兄弟也。庚申避地來。虞結那小竹林。字每夕聯消寒詩集。

詠冬景五律分得釀雪

彌望雲鋪白。高樓雪景催。香浮金谷酒。冷逗玉堂梅。凍雀停簷噪。寒鴉結陣來。須臾飛六出。驢背灑橋回。

分得糟蟹

新釀開時晚稻紅。霜螯買向五湖東。醉鄉風味知何似。一笑煩君入甕中。

分詠五代史

不辱新君洗滌詔。要知勁節本難污。用兵卅載忠先帝。慟哭一朝見老奴。賤刺偶傳多俚語。春秋熟讀識兵符。直教愧死李崇政。枉自當年號大夫。梁敬翔

上下飛來入陣中。一人兩騎勢如風。鐵搗手舞前無敵。重鎧身披氣自雄。死願見王伸宿憤。生還無罪建奇功。太原慷慨悲車裂。異日相思泣乃公。李存孝

分詠老漁

寒江篋笠老漁翁。浪跡生涯有小篷。把酒酣眠忘歲月。持竿隨意教兒童。偶驚兩鬢風霜裏。長對一篙煙雨中。爲語桑榆須愛護。磻溪知己兆飛熊。

詠疆場金鼓聲

刁斗聲寒裏。烽煙擊鼓鳴。陣開邊月黑。戰勁塞風橫。將令銜枚肅。胡笳動地驚。忽聞馳露布。饒唱入邊城。

詠脚划船五排限江韻

一葉飄然去。生涯老越江。歌來聽踏踏。划去嚮登登。篷小惟容膝。舟輕漫立艫。鑿開雲影碎。踢破浪聲淙。趕驛如馳馬。奔波異走虬。前程弧箭疾。踞坐語言隳。隨水無勞緯。臨風不挂篳。船頭新設板。舵尾小開窗。港窄行猶闊。橋低過亦降。幻鳧盤鳥道。畫鷁集魚缸。略試推移力。還成欸乃腔。青蚨囊換足。晚泊傍寒樁。

家居雜興 辛酉

一椽聊寄寂寥中。環堵蕭然地數弓。掃徑到門惟夜月。開窗惠我有清風。占晴課雨龐眉叟。問字抄書總角童。仰見高堂無恙候。清貧家世樂融融。
芸窗十載我何堪。漫道何堪亦自甘。壁立未空書滿架。儒餐不薄菜盈籃。讀餘時益趨庭訓。客到猶欣剪燭談。閉戶渾忘塵世事。青春閒過月將三。

雜俎

記波蘭瓦爾薩與維斯河之戰

莫安仁 哈筱泉

字林西報云。波蘭京城瓦爾薩一帶。德俄之戰。德兵夾攻。其進兵之路。不從所瓦喀與俄格斯土俄二地。而從果洛也喀與果洛也斯喀二地。德兵十五萬。係薩克所利人。德政府之意。因波蘭未分以前。第末次之王。係薩克所利人。該王善波語。波人慕其舊。王必歡迎。薩克所利之兵。俄先曾許。苟能勝德。則當許波蘭自立。德奧亦復如俄之許。波蘭者。許之。但德奧之主義有效與否。不可知。而波蘭人信服。俄不信服。德之心已固。因德不愜。波人者。久之。德議院前曾規定法律。反對波蘭人之故。德國元戎名莫根。係善於調度者。德兵中不獨薩克所利人。兼有奧斯大利亞人。該元戎欲破瓦爾薩。其戰法極為嚴密。且勇敢百倍。軍人兼程並進。其達到之期。為預算行期所不及。算者神速之名。為世所驚。俄人逆料德兵進行之路。必在所瓦喀與俄喀斯土俄二地。因此二地平坦而易行。詎料出人意外。德竟舍此而出。彼且所出之二地。水深而草蔓。故俄元戎一聞德兵距瓦爾薩僅廿里之遙。心為之裂。以致失敗。此殆由俄元戎未於事先四面偵查之所致。其為俄政府褫職。亦固其宜。俄兵與德三次大戰。德雖退却。不久即進。斐斯圖拉河。幸俄兵力逐退出河外。但俄兵不能窮追。因修築橋梁之材料未抵。大營故耳。

十月十五十六十七德進攻十八俄有大礮十九德始不支雖猛勇亦無法惟德之退出時轟毀各項建築物俄軍界深贊德之進退有度毫無遺憾廿日俄派騎隊偵查敵人之蹤迹無一獲得者廿日俄發大兵四面兜圍而不能捕獲德兵一人足徵德元戎善於戰法俄元戎怠於追捕之一斑云

維斯河左右日日大戰記者到此見一帶地方空曠無人畜即步行至鐵路車站見有俄軍官住宿小營房電報德律風咸備遇有緊急另加郵卒以傳遞信息各軍官服軍人之服上襲肩章附近掘有極密之戰壕德飛艇不能窺見記者細查地上所落之德彈殼知爲甚烈而又甚巨者雖然但不能多死人而能駭人惟被駭之兵雖不死心膽交瘁達於極點因該德彈一落極大之樹林能將樹根拔除移送他處人苟遇之腹心俱裂記者目擊一有力之勁旅雖未遇彈而精神已麻木不仁矣

以上兩方面戰征之燒點在於柏羅里地方西廿里之遠俄馬隊向北進行從德軍左面繞圍而過德兵危甚廿日德知瀕危故退不但舍去第一層戰線即第二層戰線亦復舍去雖其戰壕堅固無所用之查不阿舍此洛之戰俄兵到者甚衆九月廿七日開始攻擊實德尸之德施以強有力之開花彈俄步隊迎頭痛擊領兵官傷其手然猶使德兵退竄休戰數點鐘俄元戎仍令全隊進行德極力抵抗黑煙朦朧如昏夜俄軍往來於黑煙之中目雖不見足仍進行距德軍八百步德用百碼炸彈俄擬以刺

刀向之而德軍畏刺刀不敢敵故望風而先靡云。

十月十五日距維斯河七里之洛意俄雷地方德軍用向所利用之戰法即先派步隊駐紮大樹林然後以大礮隊隨行於其後飛行艇偵探於其上俄軍以礮彈轟之阻止飛行艇之進行是役也俄軍佔據德軍之長壕德兵退避數里。

德軍戰勝之自信力過於強硬故留戀最佳之瓦爾薩地方而不舍如何證之前有德軍在於瓦爾薩之某紳家方施沐浴被俄兵偵悉赴某紳家搜索而去德又自信其大礮爲他軍所不能敵而不知出德意外者俄軍亦有此大礮有爲俄之購於日本者有爲俄軍艦運陸以濟用者且俄軍守此地點較德人得食爲易俄兵衆多可以輪流更換有休息之餘閒德兵則不然其派來之數既少誰得而休息者加以行路時艱苦異常從樹林中經過久未受日光之照軍心自不悅怡此亦德軍之缺點也。

注重履與鞍定大事結束之關係

譯英文月報

昔有德國某員警告法政府云吾國軍旅行軍之革履其缺少之數計一百萬雙馬臂之鞍亦形不足此兩事頗與國家防禦上有危險之現象不能不先事籌維陸軍總長答曰是誠有弊然力爲補救當無後患觀此足徵法國政府任事之性質對於行軍弊政之改革頗爲猛勇且能實事求是記者對於

今日歐洲戰雲之興起。研究各戰國平日注意之要點。首以法國爲能探驪而得珠。凡事不求形式。只重精神。譬如戰事須以軍士衆多爲前提。然德兵多而法兵少。法人解決此問題。卽以多修礮壘。以補兵數之不逮。而又於機關礮。不恤多造之重金額。退伍期不妨加增一年限。不然。以民數向稱減少之法國。影響於今日出征之兵數。何以能制虎狼之強敵乎。此爲法國實事求是之第一說。至於人所習見之法。皆棄而不取。補助外觀之法。亦復毅然舍去。如軍隊以軍容爲美觀。以設奇陣爲合度。法人均視爲無用。惟注重於軍士之革履。以期行軍之便捷。馬鞍不須耀目。但求引重致遠。不礙馬臂。黜華崇實。有如是焉。且法人嘗謂行軍重外觀。以爲代表其兵力之強。而不知反形其弱。吾鄰如德意志。適中此病。吾見其徒耗財力而已。何益之有。記者平心查之。德人之論調。與其用心。不無太過耳。

雖然。法人之論調。與其用心。不無太過。然亦足以培養其國力。裨益其國家。於何見之。見於法人有議論政府及一切官吏辦理各事之權。歐洲各國。近世紀以來。其致弊之危險有二。一經濟。一報章。經濟之勢力擴張。以漁人之心。而是非黑白。旋趨向於有經濟之方面。而顛倒其實際。報章不得人。一任私心用事。搖唇鼓舌。誤國病民。而不知其非。橫覽全歐。滔滔皆是。而不肖官吏。咸利用此兩種病魔。以橫行無忌。惟法則稍稍斂迹。不敢如是猖獗。蓋法民言論得自由之真象。故能摘伏而發奸。如大地主大

公司壟斷利權。漁肉貧弱。各國皆知其弊。相戒而不發一言。法人聲罪致討。不留餘地。其特色蓋如此者。亦猶之行軍重革履與馬鞍。同一實事求是也。

法人平日之論調與其用心。當發生效力於戰事告終以後。并推定其槃敦修盟之會。法人必一意主張無侵人土地之觀念。意謂侵人土地而管領之。即奪人人民而干預之。非我土地人民。勉強以爲我有。其費太糜。其理不順。非法也。且歐洲人不一種。種不一教。千萬人者千萬心。強千萬人之心。而受制於一政府之下。德之政策。非法之政策。故記者推定槃敦修盟之會。法國必以易合爲分。易各大國爲無數小國爲惟一之主張矣。非法人平日實事求是之效力能如是乎。請留心戰局者。拭目以觀其後。

英軍隊宗教之感動力

英國軍隊駐紮法國境內者。近有一事。爲法軍隊所未行。惹起法人注意。即英軍隊於每禮拜行禮拜之式。雖未全軍行之。然集合志願禮拜者。爲一軍團。分隊出行於某指定之場合。以聽教士之祈禱。在英軍隊雖視爲習慣。不足深奇。而法人視之。奔走相告。以爲生平所未睹者。故推論其來由。則知英軍隊之赴戰地。更具一宗教性質。特錄之。如一幅畫圖。足供世人之觀覽焉。

英軍隊於每禮拜上午十句鐘。從本營房列隊出行。至於某地。該地上陳設大鼓三具。傳以國旗。軍士

作正方形。層疊圍繞於三鼓之前面。鼓旁有教士拱立。身衣禮服。惟服頗整齊。而履甚笨重。蓋着一軍人之履焉。教士旁有軍官一員。值軍隊到齊之會。敦請教士領衆禮拜。教士高聲禱告。衆軍隊虔誠敬聽。禱告畢。軍士和以禱歌。其禱歌之聲。寓之以誠敬之意。繼禱歌聲而起者。則有教士之演說聲。軍士聽之。以視平時禮拜堂禮拜有虛偽真誠之別。蓋平時禮拜爲尋常具文所拘束。戰時禮拜。乃祈天永命之關係。且軍士平時之言行。或有不合規則之處。雖到堂禮拜。誨者諄諄。而聽者藐藐。其不易感動有如此者。一至戰時。其性質趨向於道德方面。完全以生命託之上帝。故誠敬之心。油然而起。及教士演畢。復行禱告式祝福詞。一時軍樂隊齊奏愛國歌。并爲英皇祝福。法人在旁觀聽。不覺肅然起敬。蓋亦教旨之移人深矣。

英陸軍總司令克成申做居民待遇志願兵之規律

英陸軍總司令克成侯爵。前曾倡議要求政府。通行徵兵制度。現聞各志願兵。踴躍輸誠。不約而同。已經組織成軍。可以一戰。該侯爵。即申做於衆曰。今日師行千里。齊力國家。無非出自各志願兵之熱誠。爾居民宜共體此意。即各志願兵亦當珍重名譽。勿稍孟浪。本侯爵今與爾居民男婦約。因犒賞三軍之美意。致使有酗酒滋事之惡行。大不可也。不獨爾居民自相戒勉。即遇有私以甘酒授於本營者。亦

當預爲阻止以期弊絕風清勿負本爵治軍以嚴之盛意本爵行營駐紮之所均須仰體此諭因酒爲軍人之大忌足以妨害戰功之成就爾居民苟欲輔助本軍以達戰功成就之目的則當謹識無忽各兵士亦須錄諸日記以爲戒特此通諭知之觀此足見克成侯爵軍紀之嚴明其能建大功破強敵無待著龜而知矣

阿斯葵斯宣布戰後之注意

英內閣總理大臣阿斯葵斯君宣布現在戰局吾英國用兵之意旨卽前任內閣大臣格蘭斯敦君於四十四年前所有志而未逮者其志維何卽保護歐洲各國之公權如此又分兩段一行事須以義不以利而兵力更非所恃二弱小之國須能行使自衛權以保護其國家因各小國皆有歷史與理想不可使之沒滅如瑞士荷蘭比利時巴爾幹等小國其所享之公權應與大國同等不可使之向隅且聯盟國專恃盟約以爲抵制他國之計猶非正當行爲吾英將使改變其聯盟之主義均趨向於同心協助之一途以防禦野心家反動爲前提但本大臣今日宣布之宗旨人必以鄰於虛不切於實爲病雖然理想爲事實之母今日不能期諸異日吾於是盼望吾聯軍苟能達全勝之目的則此意旨當能見諸實行也

德君民無望於扈從軍

去年十一月十一日。德皇扈從軍。攻擊英軍於意拍雷地方。以求達到英國海面之目的。然累次不成。聞該軍駐紮柏林。凡有特別事故。方始選派。茲因德皇急欲攻英。故德皇派來意拍雷戰地。一日間。大戰隆隆。不絕於耳。戰法既精。身材又偉。膽力亦復過人。惟數次交鋒。卒不能破。有旁觀之英兵某云。此爲意拍雷戰氣最惡之一日。德皇以該軍攻我軍。襲取我地。以逞其欲。且該軍前進。與我軍針鋒相對。我軍於正面攻擊之外。又從斜面攻擊之。以致該軍損失甚巨。但該軍傷斃雖甚多。仍佔據我地三處。并得一小樹林。以爲巢穴。我軍環攻樹林。以逐退於我軍前據之戰壕。該軍死於小樹林中者。七百名。而總死之數。尙不可知。我軍與該軍相見於樹林中。肉薄以從事。雜亂而不辨。致使德軍人繼續而來者。無處逃生。悉委身於鋒鏑中。以去。距此不遠。更有德軍一隊。因不耐槍彈。退保不遑。亦復傷亡。無算。查德國早恃德皇之扈從軍。以攻意拍雷。而扈從軍不能奏效。以報德人。德人聞之。垂頭喪氣。大失所望。亦可哀也。該扈從軍爲德國強有力之軍。於一千六百八十八年成軍。此次挫衄。得以生還國門者。蓋幾希矣。

筆記

悟游瑣記 卷之一

上虞許傳霈

伴

蘇常一帶呼航船爲搭伴船。言客與客相伴而行也。船到岸則客各散。因有謂此身在世都是伴人忙了。父爲子伴。夫爲妻伴。兄弟朋友亦互相伴。此論非是。蓋倫常之與我。皆有不解之緣。如天地無五行不能造萬物。人無五倫。又將何以爲人乎。竊謂人生以前已有倫理。在兩間不過他人不能見耳。自有此身。覺得此身之外有五倫相伴。實則早具我心。就形盡心。伴於何有。卽以伴論。謂人伴我乎。我伴人乎。二者均有語病。世又有視天下爲騙局者。其說尤謬。伴失其身。騙將失其心矣。

栽培

舟行見兩岸植桑者。用小艇取載河泥。運至岸旁。就岸添築一圩。灌入河泥。隨時用器運澆桑根。平鋪半尺許。其不近岸之桑。又須轉輾運澆。大費人力。而桑之肥大與葉之茂密。尙難逆料。卽肥大茂密矣。或桑價不漲。與蠶汛不順。猶歸烏有。然何以培桑者勤苦。乃爾耶。曰盡人事以聽天命耳。夫天之生物。必因其材而篤者。必視其材之可培而培之。若不可培。勢將傾覆。今之植桑亦自盡其栽之心耳。有栽

未。必。無。培。未。有。不。栽。而。能。培。者。也。噫。植。桑。猶。然。况。爲。學。乎。

田家樂

見桑林叢中負耒耜而出者數人。前呼後應。前笑後語。怡怡然如兄弟之相樂。或曰。此田家之樂也。予謂此樂無家不有。但人習焉若忘耳。卽以田家論之。實爲四民之本務。古之兵皆農。古之士何嘗不是農。所以達而在上。無不洞悉斯民之艱苦。卽尋常行文應試。皆從閱歷而來。故其言深切而有味。今人不務本而逐末。但就故紙堆中求生活。不幸而得官。其不病民也。幾何一代作官。世世卽以官爲本業。並此故紙堆而無之。以末爲本。於此孰甚。僅見田家之可樂。是世道之愈可憂矣。

順風

舟行見來船遇順風者。輒歡呼不已。惟恐風之不大。名曰喚風。予舟子答以風小尙可使吾舟稍進。此猶是勻苦樂之說。予謂境之順逆天也。安境之順逆者人也。使我不遇逆風。何能成彼之順風。有順必有逆。乃理之一定不可易者。全要遇順境時深體此中道理。不知多少逆境。始換得我之順境。則處處留人地步。自無歡呼無已之情。船遇順風。其顯者也。

克治涵養

大都一日之間。克治涵養之功。不可偏廢。朝當克治。暮當涵養。接物當克治。無事當涵養。飢時當克治。飽時當涵養。起時當克治。臥時當涵養。克治時惟恐此心稍放。致發有不中涵養時。惟恐此氣不和。致存有不熟。此二者。吾儒終身之學也。

崑山文獻

猶憶髫年。熟聞庭訓。凡游學不得志乘。考其文獻。則所過之學宮書院。必須經歷。當有一二足徵者。龔梓材明府贈余崑山縣志後。余復至崑學。學被燹後。僅建復大成殿明倫堂。堂懸科第扁額無數。其最善者。如明末清初之五科三狀元。徐氏之同胞三鼎甲。五子進士也。計自宋淳熙衛文節。至明嘉靖沈祭酒。坤得五狀元。合清順治己亥徐相國。元文康熙乙未徐修撰。陶璋兩榜。共得七狀元。人謂蘇府出狀元多。屬崑山。常熟二縣。信然。然論者猶不以科甲爲重。如魏莊渠。朱柏廬。用純。歸震川。有光。顧亭林。炎武。諸先生。節操文章。彪炳海內。實爲他邑所未逮。然自雍乾以後。鼎甲雖無繼起。而登鄉會榜入詞林者。尙不乏人。獨魏歸顧朱之學。則竟渺乎無聞焉。

徐氏通才

儒通天地人。言其才之無不通也。清初徐乾學與弟秉義。元文先後以一甲登第。海內豔稱爲科名盛。

事而不知其學根柢。經史通達。古今早於幼學時。互相切磋發爲經濟。皆成名臣。其固然已。志載秉義通籍後。與餘姚黃宗羲、鄞縣萬斯同、德清胡渭生、桐城錢秉鐙諸人交。每舉經史疑義相發明。元文修明史。請徵遺獻。舉興化李清、嘉興曹溶、江都汪懋麟、溫陵黃虞稷、慈溪姜宸英、鄞縣萬言。與餘姚黃宗羲等。雖其時有至有不至而同類。應求實多裨益。聞乾學嘗得舅氏顧亭林指授。元文修史亦出亭林酌定者爲多。疑其弟兄皆得舅氏之學。故通經致用有如是。

根柢之學

通儒爲學。必有根柢。震川爲文。原本經術。好太史公書。得其神理。具載明史矣。別傳謂震川上春官不第還。講學安亭。在安亭江考三江古道。謂太湖入海之道。獨有吳淞江一路。誠併力浚治。使湖水東下。餘水可不勞而治。作三吳水利書。將以浚東南財賦之源。海瑞頗採用其說。吳中實蒙其利。亭林年十四。爲諸生。屢試不遇。見明季法度廢弛。遂屏去帖括。究心經世之業。於制度得失。生民利害。取前史旁推互證。而折中於六經。後釋叛奴獄。歷游燕趙。秦晉。每以二馬二騾載書。自隨輪蹄。所經必諮詢山川風俗沿革之迹。發書勘驗。同異披尋。搜討歸於至當。有一獨見。援古證今。暢其說而後止。疑日知錄肇城志。天下郡國利病書。皆成於斯時也。語云。讀萬卷書。行萬里路。皆爲學問。深其根柢。卽爲後學開其門徑。凡坐言而不能起行者。非學也。至亭林因母喪未葬。不赴唐王之召。遺命勿仕。堅辭康熙戊午博學鴻辭之舉。又嘗五謁孝陵。三謁天壽山。十三陵。四謁莊烈。攢宮惓惓。故國蓋人之所難能矣。有德必有言。要非根柢淺浮者所可及。

上海
 滙豐銀行
 及虹口分行告白



啓者本行收足資本洋一千五百萬元
 公積英金值洋一千五百萬元又銀洋
 一千八百萬元共合洋三千三百萬元
 另議定備用股本洋一千五百萬元總
 行開設在香港分行在倫敦廈門暹羅
 包帶維亞孟買加拉吉打古隆北廣東
 福州德國漢口愛巴軸化神戶古喇喇
 伯長崎意陸伊羅法國買拉夾呂宋紐
 約檳榔委貢西貢舊金山新加坡蘇拉
 巴亞天津青島北京橫濱其上海行與
 各商往來暫存本行之銀及定期存款
 等均請至本行面議代付本埠匯票並
 辦理銀行一切應辦事宜匯票可以匯
 至倫敦歐洲印度新舊金山美國中國
 東洋等處大通商碼頭特此佈聞
 民國三年十一月十日

感 德 靡 涯

漢口報館主筆述及韋廉士大醫生紅色補丸治愈其腦筋衰殘并其夫人產後虛弱等症
湖北漢口繁華報館主筆張雲淵君來函云余爲中國數千萬人中之不得不感激韋廉士大醫
生紅色補丸之一分子就余症獲愈而論尤宜加倍感激何則蓋余身獲益之外兼及余妻也先
是余旅滬之時因操勞過度以致身體衰殘常患頭痛之疾日形瘦弱少一動作便覺頭暈目眩
力弱難勝欲求良策以冀速痊不致誤公但歷試多藥效驗毫無正在無可如何之際適逢友人
道及韋廉士大醫生紅色補丸補虛補血如響斯應急購而服之果大有轉機依法服至數星期
後非待疾病消而面容豐潤心緒安寧維時余妻適因產後失調身體軟弱腰背酸痛頭痛難忍
余見仿單云韋廉士之紅色補丸爲婦科補虛之聖藥因勸其服之果然諸病悉除身體強健逾
恒○韋廉士大醫生紅色補丸治愈張雲

湖北漢口繁華

報館主筆

淵君與其夫人之病由補血壯身而使血
液強壯故可療治各部軟弱也曷不做效
其法而治閣下之病乎因是丸確能療治
由血不潔軟弱所致之各症卽如 瘋溼
骨痛 腎尻酸楚 腰背酸痛 胸肺軟
弱 腦筋衰殘 少年斲喪 房事無能
胃不消化 山嵐瘴癘 皮膚諸症
更有療治婦女各症凡經售西藥者均有
出售凡直向上海四川路八十四號韋廉
士醫生藥局每一瓶英洋一元五角每六
瓶英洋八元郵力一概在內



張雲淵玉照